


Centimetres
TIFFEN Color Control Patches
© The Tiffen Company, 2007

Blue Cyan Green Yellow Red Magenta White 3/Color Black



禹貢第三上 虞夏書三

尚書今古文注疏卷三

賜進士及第授通奉大夫山東督糧道加三級孫星衍撰

貢者廣雅釋詁云上也稅也釋言云獻也楚語觀射
 父曰天子之田九畝王取經入焉以食萬官注云經
 常也常入征稅也詩甫田傳云彼太古之時以丈夫稅
 田也歲取十千於井田之法則一成之數也九夫為井
 井稅一夫其田百畝井十夫為通稅十夫其田千畝通
 十為成成方十里成稅百夫其田萬畝欲見其數從井
 通起故言十千上地穀畝一鍾據此則黃帝制井田當
 有稅夫之法即貢也史記五帝本紀云軒轅乃習用干
 戈以征不宮索隱云謂征諸侯之不朝高者本或作亭
 案考工記注鄭司農云莫讀為亭則亭即莫顧命所謂
 一法二臣衛敢執壤奠鄭注以為高禮亦貢也古有稅民
 之法及諸侯貢法堯時遭洪水不能修其制至禹始更
 作之夏本紀云禹乃行相地宜所有以貢及山川之便
 利詩韓奕云維禹甸之箋云禹甸之者決除其災使成

書疏第三上

平田定貢賦於天子孟子滕文公篇云夏后氏五十而貢殷人七十而助周人百畝而徹其實皆什一也注云民耕五十畝者貢上五畝古以貢當稅即經所言賦凡貢之物不在賦外故孟子云夏貢什一也

禹敷土注史遷敷作傅馬融曰敷分也鄭康成曰敷布

也布治九州之水土敷一作溥疏史公敷作傅者夏本

稷奉帝命命諸侯百姓與人徒以傅土傳與敷音相近蓋釋傳為治也孟子滕文公篇云舉舜而敷治焉注引

經云是言治其土也廣雅釋言云傅敷也治水非一人之力故奉帝命與人徒馬注見史記集解云分者言

人為九州漢書地理志注云敷分也書序云禹別九州馬義所本鄭注見周禮大司樂疏云敷布者山海經海

內經云帝乃命禹卒布土以定九州布土即敷土詩傳云敷布也說文云溥布也敷故也書傳以敷為專音相

近假借字又鄭注周禮大司樂云禹治水傅土言其德能大中國也商頌長發云禹敷下土方箋云禹敷下土

正四方廣大其竟界之時始有王天下之萌兆鄭意又以敷為大者詩傳云溥大詩釋文引韓詩敷敦淮濱云敷大也荀子隨山刊木注史遷隨作行刊作表鄭康成成相篇作溥

曰必隨州中之山而登之除木為道以望觀所當治者

則規其形而度其功焉刊一作棊亦作棊疏史公說隨

雅釋詁云隨行也淮南修務訓隨山棊木高誘注隨循也循義近行刊為表者周語云道無列樹注云古者列

樹以表道刊蓋削而識之鄭注見書疏以刊為除者春秋左氏襄廿五年傳云井堙木刊注云刊除也刊說文

作棊云棊識也引此文讀若刊篆又作棊又云棊表斫也魯語云山不棊藥注云棊斫也棊識者斫木為識即

表道也管子形勢解云禹身決瀆斬高橋下以奠高山為民利蓋古說以刊木為斬高木以橋下隰也

大川注史遷說莫為定大傳說高山大川五嶽四瀆之

屬馬融曰定其差秩祀禮所視也

疏史公說莫為定者周禮司市云平肆

展成莫賈注云莫讀為定杜子春云莫當為定是莫與定通也大傳說高山大川為五嶽四瀆者見史記集解今大傳脫文大傳云五嶽謂岱山霍山華山恒山嵩山也江淮河濟為四瀆五嶽視三公四瀆視諸侯其餘山川視伯小者視子男見白虎通巡守篇五嶽以南嶽為

霍山今文家說也見堯典疏馬氏注見史記集解書疏及王制疏引鄭注大傳云所視者謂其姓幣冀州既載

注史遷說為禹行自冀州始冀州既載馬融曰載載于書也鄭康成曰兩河間曰冀州不書其界者時帝都之

使若廣大然載之言事事謂作徒役也禹知所當治水

又知用徒之數則書於策以告帝徵役而治之

疏說文云冀

北方州也淮南子地形訓云正中冀州曰中土注云冀大也四方之主故曰中土也呂氏春秋有始覽云兩河之間為冀州晉也注云東至清河西至西河書疏引李巡云兩河間其氣清厥性相近故曰冀冀近也釋名云冀州取地以為名也其地有險有易帝王所都亂則冀治弱則冀疆荒則冀豐也按鄭注舜肇十有二州云舜於舊九州外分青州為營州冀州為并州幽州至夏仍合為九州則禹貢冀州兼幽并二州之地故說文以為北方州字从北也史公說為自冀州始者詩傳云載始也則史記下云冀州既載說為冀州既始耳馬注見釋文云載於書者春秋左氏僖六年傳云載在盟府注云載載書也鄭注見史記集解又見公羊傳莊十年疏及書疏云兩河間曰冀州者用釋地文云不書其界者据下兗州有云濟河惟兗州海岱惟青州已下諸州皆書其界則此亦當以山河為界而不書之使若廣大也云時帝都之者春秋左氏哀六年傳引夏書曰惟彼陶唐有此冀方注云唐虞及夏同都冀州疏云堯治平陽在冀州也地理志云河東本唐堯所居詩風唐魏之國也又

平陽應邵曰堯都也在平河之陽郡國志太原郡晉陽本唐國注云毛詩譜曰堯始都於此後遷河東平陽平陽故城在今山西臨汾縣西南云使若廣大者高誘注淮南云冀大也義與鄭同云載之言事者周書諡法云載事也漢書載其清靜即事其清靜云作徒役者因夏本紀有奉帝命命諸侯百姓與徒以傅土故云然也

壺口治梁及岐注馬融曰壺口山名鄭康成曰地理志

壺口在河東北屈梁山在左馮翊夏陽岐山在右扶風

美陽西北於此言治梁及岐者蓋治水從下起以襄水

害易也疏馬注見釋文鄭注見史記集解又見詩周南

郡北屈禹貢壺口山在東南鄭于北屈下脫東南或省

文水經禹貢山水澤地所在同案北屈在今山西吉州

西山在州西南七十里又漢志馮翊夏陽禹貢梁山在

西北鄭脫西北水經禹貢山水澤地所在云在夏陽縣

西北河上案夏陽縣在今陝西韓城縣西南山在縣西

北九十里漢志右扶風美陽禹貢岐山在西北中水鄉

周太王所邑案美陽在今陝西扶風縣北山在陝西岐

山縣東北十里水經汾水注云汾水南與平水合水出

平陽西壺口山尚書所謂壺口治梁及岐也此山在今

山西汾陽縣西南與地理志說異云治水從下起者書

疏云壺口西至梁山山西至岐山從東向西言既修

之也按梁岐是雍州山而見于冀州故云從下起

太原至于岳陽注鄭康成曰岳陽縣太岳之南于地理

志太原今以為郡名太岳在河東故縣彘東名霍太山

疏修者廣雅釋詁云治也陽者說文云山南曰陽鄭注

見詩唐風譜疏云太原今以為郡名者地理志及郡

國志云太原郡在晉陽屬并州杜氏春秋釋例云晉大

鹵太原大夏參虛晉陽一地六名案今山西太原府太

原縣也云太岳在河東故縣彘者漢志河東郡彘霍太

三十里覃懷底績至于衡漳注史遷說底績爲致功馬融

曰衡漳水名鄭康成曰懷縣屬河內地理志云漳水出

上黨沾縣大要谷東北至安平阜城入河行千六百八

十里衡漳者漳水橫流入河疏覃懷者地里志河內郡

故城在今河南武陟縣西即覃懷也史公說底爲致者

釋言文績爲功者釋詁文也馬注見釋文鄭注見史記

集解又見周禮職方氏疏及書疏引地理志云云者漢

志上黨長子鹿谷山濁漳水所出東至鄴入清漳沾縣

六百八十里與鄭所引畧同而鄭不引濁漳以其入清

漳畧之也案沾縣今山西樂平縣阜城字或譌爲邑城

今屬直隸河間府云衡漳漳水橫流入河者經典衡多

與橫通水經濁漳水又東北過斥章縣南注云魏太祖

鑿渠引漳水東入清洹以通河漕名曰利漕渠漳津故

績至於衡漳者也又北逕平恩故城西按斥章故城在

今直隸曲周縣東平恩故城在今山東邱縣西史記正

義引括地志云衡漳水在瀛州東北百二十里平舒縣

界也平舒漢之東平舒今直隸大城縣清漳水過郡五

者上黨魏郡廣厥土惟白壤注史遷厥皆作其馬融曰

壤天性和美也疏文以壤爲天性和美者說文云壤柔

也鄭注周禮云壤亦土也變言耳以萬物自生焉則言

然則鄭于此雖缺厥賦惟上上錯注馬融曰地有上下

相錯通率第一鄭康成曰此州入穀不貢賦之差一井

上上出九夫稅上中出八夫稅上下出七夫稅中上出

六夫稅中中出五夫稅中下出四夫稅下上出三夫稅
下中出二夫稅下下出一夫稅通率九州一井稅五夫

疏賦者廣雅釋詁云稅也錯者詩傳云雜也馬注見釋
文云通率第七者九州之中為第一也偽傳云雜出
第二井馬義鄭注見書疏及王制疏云此州入穀不貢
者王制云天子百里之內以其官千里之內以為御注
云謂此州之田稅所給也官謂其文書財用也御謂衣
食周禮閭師疏引鄭志云田稅如今租矣王制又云千
里之內曰甸注云服治田出穀稅千里之外曰采注云
九州之內地取其美物以當穀稅據此知冀州畿內惟
人穀稅也詩甫田疏引鄭志云凡所貢筐之物皆以稅
物市之隨時物價以當邦賦周禮太宰以九貢致邦國
之用疏云諸侯國內得民稅大國貢半次國三之一小
國四之十所貢者市取當國所出美物則禹貢所云厥
筐厥貢之類是也據此知餘州雖有厥貢之文不入穀
準其賦之額買土物以貢此州不言厥貢以帝都所需

令有司市買不煩諸侯貢筐故入穀不貢也云賦之差
一井上上出九夫稅者江氏聲云孟子云夏后氏五十
而貢殷人七十而助周人百畝而徹其實皆什一也又
云井九百畝其中為公田又云惟助為有公田是則夏
制什一稅夫田不畫井鄭注周禮匠人備引孟子文而
云周制畿內用夏之貢法稅夫無公田是鄭氏亦謂夏
時無井田也此以井計者以九夫為井差為九等甚便
故假以言之爾王制疏云以禹貢九州有上中下三等
故以井田計之是也云一井上上出九夫稅者一井之
中九夫各以所收之什一為稅上上出八夫稅者謂通
九夫共出八夫所收之什一為稅以下至出一夫稅皆
謂九夫通出其什一也詩甫田疏節引此注而以為鄭
欲品其多少無所比況遂以九井擬之以示稅之多少
非其實稅之也是以其賦之輕重懸殊而疑其非實稅
案左氏襄二十五年傳云度山林鳩藪澤辨京陵表瀆
鹵數疆潦規偃豬町原防牧隰臯井衍沃疏引賈逵注
以為賦稅差品云山林之地九夫為度九度而當一井
也藪澤之地九夫為鳩八鳩而當一井也京陵之地九

夫為辨七辨而當一井也。澆鹵之地九夫為表六表而當一井也。疆潦之地九夫為數五數而當一井也。偃豬之地九夫為規四規而當一井也。原防之地九夫為町三町而當一井也。隰臯之地九夫為牧二牧而當一井也。行沃之地畝百為夫九夫為井。夫曰九度而當一井。非即一井也。井出十夫稅乎其九等之差。正與此九等之稅同。何見而疑此非實稅耶。雖此是田賦與左傳通計山林等九者不同。然周禮授民田有不易一易再易則田之肥磽固有相懸數倍者。且如左傳所云九等之地九州皆有。苟是州沃衍之地多則統一州而計通率一井可得八九夫稅。設是州山林藪澤之地多則統一州而計通率出一二夫稅。況其田有不易一易再易之殊。則一井稅五夫者有九夫稅。有一夫稅合之共十夫均分之。則各五夫。其八夫通二夫七夫通三夫六夫通四夫均之。則皆然。率一井稅五夫也。周禮授民田不易者百數一易者倍之。再易者三之。通率三家而受六夫。其野則六家而受十三夫。其賦則惟計見耕之田而稅之。通而計之。則一夫之地惟稅五十畝。故管子幼官篇云田

租百取五。即此制也。地力肥磽古今如一。推之夏制田賦之法。當亦一夫惟稅五十畝。故孟子曰：夏后氏五十而貢。其實什一也。熊安生禮疏云：夏厥田惟中中。馬政實簡。一夫之地惟稅五十是也。

融曰：土地有高下。鄭康成因地當陰陽之中能吐生萬物者曰土。據人功力競得而田之則為之田。田著高

下之等者當為水害備也。田者說文云：陳也。樹穀曰田。象四口十阡陌之制也。

爾雅釋文引李注云：田陳也。謂陳列種穀之處。馬注見釋文云：土地有高下者。據地勢言之。不論肥瘠也。鄭注見書疏云：地著高下之等者。田之九等以地形高下分之。不與賦同。漢書敘傳云：坤作陸執。高下九則注引劉德曰：九則九州土田上中下九等也。是鄭本舊說。且田之九等。上者非肥。下者非磽。溝洫志賈讓奏言：若有渠溉。則鹽鹵下濕。填淤加肥。故種禾麥。更為秔稻。高田五倍。下田十倍。詩信南山疏引孝經注云：高田宜黍稷。下

田宜稻麥是田之高下各有宜種之物故鄭云當為水
害備也江氏聲云崑崙高一千九里九州在崑崙東南故
西北高東南下雍州在西北田上揚州在東南田下
下推之餘州知以高為上卑為下也王肅等云土地各
有肥瘠不應冀州中中之田反出上上之賦雍州田
上上反出中下之賦其說非是云地當陰陽之中者五
行木火為陽王于春夏金水為陰王于秋冬土位中央
王于四者之開是當陰陽之中也云吐生萬物者白虎
通五行篇云土主吐舍萬物土之為言吐也云據人功
作力競得而田之則謂之田者釋名云田填也五稼填
滿其中也已耕者曰田周恒衛既從大陸既作田史遷
書多方云畝爾田是也

恒作常說既作曰既為鄭康成曰地里志恒水出恒山
衛水在靈壽大陸澤在鉅鹿北爾雅釋地八藪晉有大

陸

史公恒作常地理志亦稱恒山為常山郡鄭注見
史記集解及通典又見周禮大司徒疏引地里志

者漢志常山郡上曲陽恒山北谷在西北并州山禹貢
恒水所出東入滋靈壽縣禹貢衛水出東北東入虜池
水經云滋水東過中山上曲陽縣北恒水從西來南注
之注云自下滋水兼納恒川之通稱焉即禹貢所謂恒
衛既從也案上曲陽今直隸曲陽縣恒山在西北恒水
合澗水在縣東北靈壽今屬直隸真定府衛水在縣東
北又南流逕縣東入虜池鄭以大陸為鉅鹿者地里志
鉅鹿禹貢大陸澤在北案古澤在今直隸鉅鹿縣北今
則在新河寧晉二縣之交此班氏及鄭氏義也呂氏春
秋有始覽云晉之大陸注云魏獻子所居又云趙之鉅
鹿注云廣阿澤也是則秦時說大陸還卒于甯注云疑此
左氏定元年傳魏獻子田于大陸還卒于甯注云疑此
田在汲郡吳澤荒蕪之地甯今修武郡修武縣吳澤也淮
氏春秋說云嫌鉅鹿絕遠以為汲郡修武縣吳澤也淮
南地形訓亦分大陸鉅鹿為二藪然則爾雅既云晉有
大陸注以為趙之鉅鹿廣河澤非也禹貢大陸亦當以
晉之吳澤為是在今河南修武縣水經淇水注引晉書
地道記曰朝歌城本沫邑也紂都在禹貢冀州大陸之

野卽此矣水經濁漳水注云自甯迄於鉅鹿出於東北皆爲大陸則合大陸鉅鹿爲一酈氏爲調停之說疑非也古說當從**注**史遷島作鳥馬融曰鳥夷國修武之大陸

鄭氏曰鳥夷東北之民賦食鳥獸者**疏**史公島作鳥者

三十二皓云島古作鳥馬注見釋文鄭注見史記集解及書疏皆作鳥疏引東北作東方賦作捕**夾右**

碣石入于河**注**史遷河作海鄭康成曰戰國策碣石在

九門縣今屬常山郡蓋別有碣石與此名同今驗九門

無此山也禹由碣石山西北行盡冀州之境還從山東

南行入河治水旣畢更復行之觀地肥瘠定貢賦高下

疏漢書武帝紀詔曰東巡海上至碣石注文穎曰在遼西系縣系縣今罷屬臨渝此石著海旁水經禹貢山

水澤地所在云碣石山在遼西臨渝縣南水中注云大禹鑿其石夾右而納河秦始皇漢武帝皆嘗登之海水西侵歲月逾甚而苞其山故云海中矣水經河水注又云河之入海舊在碣石今川流所導非禹瀆也周定王五年河徙故瀆故班固曰商竭周移也以漢司空王橫言曰光二年河又徙東郡更注勃海是以漢司空王橫言曰往者天嘗連雨東北風海水溢西南出侵數百里故張揖云碣石在海中蓋淪於海水也案臨渝今奉天府西境地史公河作海者集解徐廣曰海一作河酈道元旣云夾右而納河則入河亦是也鄭注見書疏云戰國策碣石在九門縣云者地里志常山九門無碣石山郡國志常山國九門劉昭注有碣石山引戰國策云在縣界今戰國策無此文案九門今直隸藁城縣無山可指故鄭云今驗九門無此山也地里志漁陽驪成大揭石山在縣西南案驪成今直隸撫寧縣屬永平府蓋近臨渝然則九門旣無山可証鄭云別有碣石或以禹貢碣石在臨渝今**濟河惟兗州****注**史遷兗作沈鄭康成曰言注脫文耳

沈州之界在此兩水之間濟一作洸克一作沿疏洸字

橫水在上隸之變也經文下作沈濟本字作洸說文洸

沈也東入于海經作濟假音字此濟出常山房子贊皇

山名石濟今在直隸爾雅釋地云濟河間曰沈州注云

自河東至濟公羊疏引李巡云濟河間其氣專質厥性

信謹故曰克克信也釋名云克州取克水以為名也晉

書地理志引春秋元命包云克端也信也呂氏春秋有

始覽云河濟之間為克州衛也注云河出其北濟經其

南沈作沿者說文去沈九州之渥地也故以沈名焉古

文作沿又作容鄭注見史記集解云在此兩水九河既

之間者亦如高誘注河出其北濟經其南也

道注馬融曰九河名徒駭太史馬頰覆釜胡蘇簡潔鈞

盤鬲津鄭康成曰河水自上至此流盛而地平無岸故

能分為九以衰其勢壅塞故通利之也九河之名徒駭

太史馬頰覆釜胡蘇簡潔鈞盤鬲津周時齊桓公塞之

同為一今河間弓高以東至平原鬲津往往有其遺處

焉疏九河之名見爾雅云從釋地已下至九河皆禹所

徒眾起故曰徒駭孫炎云徒駭禹疏九河用功雖廣眾

懼不成故曰徒駭郭注去今在成平縣漢地理志勃海

成平埽池河民曰徒駭河太平寰宇記云滄州清池縣

本漢浮陽縣徒駭河九河之一與清池相接案成平在

今直隸獻縣東南也曰太史書疏引李巡云太史禹大

使徒眾通其水道故曰太史詩疏引孫炎云太史者徒

眾故依名云釋文引或云太史者史官記事之處元于

欽齊乘云太史在東光之北成平之南又云當在清滄

書疏第三

安德縣今山東德州也曰覆鬴詩疏引李巡云覆釜者
水多清其渚往往而處狀如覆釜釋文引孫炎云水中
多渚往往而有可居之地狀如覆釜之形通典云覆釜
在平原郡界齊乘云在東光之北明一統志云舊志所
載有覆釜枯河自慶雲經海豐縣南入海曰胡蘇詩疏
引李巡云胡蘇者其水下流故曰胡蘇然地理志勃海東光有
孫炎云胡蘇者水流多散胡蘇然地理志勃海東光有
胡蘇亭水經淇水注玉清河東至東光縣西南逕胡蘇
亭通典滄州東光縣漢舊縣古胡蘇河在此齊乘云滄
州之南有大連灘西踰東光至海是也今在直隸滄
州曰簡詩疏引李巡云簡大也河水深而大也書疏引
孫炎云簡者水通易也史記正義云簡在貝州歷亭縣
界歷亭今山東恩縣屬東昌府也曰潔書疏引李巡云
絜言河水多山石治之苦潔潔苦也釋文引孫炎云水
多約潔輿地廣地云簡潔在臨津金史地理志滄州南
皮有潔河南皮今直隸縣曰鈞盤書疏引李巡云鈞盤
言河水曲如鈞屈折如盤也釋文云李本作股云水曲
如鈞折如人股故曰鈞股詩疏引孫炎云水曲如鈞盤

桓不前也釋文引郭氏音義云高殷今皆為縣屬平原
郡後漢書袁紹傳云公孫瓚還屯槃河注云故河道在
今德州昌平縣界入滄州樂陵縣今名枯槃河通典云
鈞盤在景城郡水經河水注云大河故瀆東出亦通謂
之篤馬河故渠州派東入般縣為般河亦九河之一道
也元和郡縣志云棗州陽信縣鈞盤河經縣北四十里
太平寰宇記滄州樂陵縣鈞盤河在縣東南五十里案
樂陵今山東縣屬武定府也曰鬲津詩疏引李巡云鬲
津者河水狹小可隔曰鬲津故曰鬲津孫炎云鬲津者水
多院狹可隔以爲津而橫渡也地理志平原鬲縣平當
以爲鬲津元和郡縣志德州安德縣本漢舊縣鬲津枯
河在縣南七十里案鬲縣故城在今山東德州北詩疏
云徒駭是九河之最北者鬲津是九河之最南者爾雅
之文從北而說也太史馬頰鈞盤文在胡蘇之上則三
者在成平之南東光之北也簡潔覆釜文在胡蘇之下
則三者成平之南東光之北也邵氏晉涌云按九河
次第詩疏以鈞盤列第四覆釜列第八陸氏釋文以覆
鬴列第四鈞盤列第八所見本異也漢書溝洫志云許

商以為古說九河之名有徒駭胡蘇鬲津今見在成平
東光鬲界中自鬲以北至徒駭間相去二百餘里今河
雖數移徙不離此域水經漳水注云九河既播八枝代
絕遺迹故稱往往時存故鬲盤列於東北徒駭瀆聯漳
絳同逆之狀麤分陂障之會猶存是古說九河遺迹也
馬注見史記集解鄭注見詩般疏云周時齊桓公塞之
同為一河者公羊疏引尚書中候云齊桓之霸邊八流
以自廣書疏引春秋緯寶乾圖云移河為界在齊呂填
是鄭說所本也**雷夏既澤澠沮會同**鄭康成曰雍水
沮水相觸而入此澤中地理志曰雷澤在濟陰城陽縣
西北**疏**雷夏既澤謂雷澤五帝本紀云舜耕歷山漁雷
禹貢山水澤地所在云雷澤在濟陰成陽縣西北注云
瓠子河故瀆自句陽縣西又東逕雷澤北澤在大成陽
故城西北十餘里其陂東西二十餘里南北十五里即
舜所漁也按句陽故城在今山東荷澤縣北雍沮水名

爾雅釋水云水自河出為澠許氏說文云河澠水在宋
濮州南則宋地也史記正義引括地志云雷夏澤在濮
州雷澤縣郭外西北澠沮二水在雷澤西北平地也按
其水故道在今山東濮州河漫變為平陸矣鄭注見史
記集解引地理志與漢志同**桑土既蠶**鄭康成曰其地尤宜蠶桑

因以名之今濮水之上地有桑間者**疏**蠶者說文云

妊鄭注見詩譜疏云今濮水之上地有桑間者樂記桑

問濮上之音注云桑間在濮陽郡國志東郡濮陽劉昭

注引博物記曰是降丘宅土**注**史遷作於是民得下丘

居士鄭康成曰此州寡於山而夾川兩大流之間遭洪

水其民尤困水害既除於是下丘居士以其免于兇尤

喜故記之**疏**史公降作下者爾雅釋詁降下同訓落降

篇引宅作度說之云堯遭洪水萬民皆山棲巢居以避其害禹決江疏河民乃下丘營度爽塏之場而邑落之故丘之字二人立一上一者地也四方高中央下像形也義與鄭同而云丘从二人與說文从北不合鄭注見書疏云夾川兩大流厥土黑墳厥草惟繇注馬融曰墳之間者謂河濟也

有膏肥也繇抽也草一作少繇一作繇疏馬注見釋文云墳有膏肥

者鄭注周禮草人云墳壤潤解義相近墳肥聲之轉故漢地理志壤墳應邵讀墳為肥太平御覽引倉頡解詁云臙臙多滓也墳音近臙云繇抽也者繇聲近臙說文書臙木生條也玉篇作草木生條也蓋後人因說文引商書臙木生條之詞刪其草字生條即抽也草漢地理志作少說文云少艸木初生也讀若徹漢書借為艸字也繇一作繇見說文厥木惟條疏條者詩傳云長也漢引此經云草盛貌

田惟中下厥賦貞作十有三載乃同注史遷載作年馬

融曰禹治水三年八州平故堯以為功而禪舜是十二年而八州平十三年而兗州平兗州平在舜受終之年也鄭康成曰真正也治此州在作不休十三年乃有賦

與八州同言功難也其賦中下乃一作迺疏史公載為

本作年後人泥唐虞曰載之文盡改為載也馬注見書疏云十二年而八州平十三年而兗州平者史記河渠書引夏書曰禹抑鴻水十三年過家不入門今云治水三年八州平蓋并鯨九年數之為十二年與鄭異也鄭注見史記集解云真正也者子夏易傳云真正也云治此州正作不休者讀厥賦貞作為句以作為耕作也應邵注漢書云東作耕也蓋兗州被水害最深故成賦最後十三年乃有賦也江氏聲改鄭注中下為下云九州之賦當有九等參八州八等獨無下下此州當下也則史記集解所引或誤作中下也乃一作迺見漢書

地理 厥貢漆絲厥篚織文注鄭康成曰貢者百功之府

受而藏之其實于篚者入于女功故以貢篚別之允征

云篚厥元黃昭我周王篚一作棊疏漆當為棊此假漆

木汁可以鬃物周禮載師漆林之征注鄭司農云故書

漆林為棊林杜子春去當為棊林絲者說文云蠶所吐

也篚當為匪漢地理志引此作棊假音字說文匪器似

竹篚篚車笊也鄭注儀禮云篚竹器如笊者織文者玉

藻云士不衣織鄭注云織染絲織之也說文云錦襄邑

織文也按襄邑陳留縣水經淮水注引陳留風俗傳曰

縣南有渙水故傳曰睢渙之間出文章天子郊廟御服

出焉尚書所謂厥篚織文者也詩甫田疏引鄭志云凡

所貢篚之物皆以稅物市之隨時物價以當邦賦是夏

時以賦為貢非貢外別有賦也鄭注冀州特言此州入

穀不貢明餘州有貢皆無穀稅也鄭注見書疏云貢者

百物之府云云者周禮貨賄入于大府王府內府之等

亦物各有司所入異處故云其實于篚者入于女功也

引允征者史記集解引鄭注云允臣名詩鹿鳴傳引書

曰篚厥元黃郭氏注爾雅引逸書曰釗我周王釗音同

昭卽此文蓋孔壁逸十六篇鄭氏猶見之非今偽傳允

征也云周王者鄭注禮記云忠信為周猶云平王寧王

非三代也浮于濟潔達于河注史遷達作通鄭康成曰地

之周也理志去潔水出東郡東武陽濟一作沛潔一作濕疏濟

當為沛說文沛沔也沔水出河東東垣王屋山東為沛
漂當為濕說文水出東郡東武陽入海桑欽云出平原
高唐地理志云平原郡高唐桑欽言潔水所出東郡東
武陽禹治潔水東北至千乘入海過郡三行千二百里
濕作潔者假音字案東武陽今為山東朝城縣高唐今
為山東高唐州漢志言禹所治者史記河渠書云禹斯
二渠以引其河孟康云二渠其出貝丘西南南折者卽
河之經流也其一則濕川也河自王莽時空惟用濕耳

故班氏以為禹所治也經云達于河者河之通濟在成
皋水經河水東過成皋縣北濟水從北來注之注河水
東經懷縣南濟水故道之所入是也案懷今河南武陟
縣縣之通河在高唐故城在今山東禹城縣西潔水通河
縣潔水注之高唐故城在今山東禹城縣西潔水通河
故道也今大清河即故濕小清河即故沛過郡三當為
五五者東郡清河平原濟陰千乘也史公達為通者與
廣雅釋詁同鄭注見史記集解鄭引地理志潔水出東
武陽不引平原高唐桑欽言潔水所出者水經河水注
云按穆天子傳天子自五鹿東征釣於濕水尋其沿歷
逕趣不得近出高唐也桑氏所言蓋津流所出次於是
間也故鄭畧之水經注又引地理風俗記曰濕水東北
至千乘入海河盛則通津委注水耗則微涓絕流書
浮于濟潔亦是水者也按千乘今山東高苑縣地也海
岱惟青州注鄭康成曰東自海西至岱東嶽曰岱山疏
海者東海春秋左氏僖四年傳云管仲曰召康公賜我
先君履東至于海岱者水經禹貢山水澤地所在云岱

山為東嶽在泰山博縣東北詩疏引風俗通云泰山尊
曰岱宗岱者長也萬物之始陰陽交代青州者呂氏春
秋有始覽云東方為青州齊也釋地云齊曰營州公羊
疏引李巡云齊其氣清舒受性平均故曰營營平也今
為青州又引孫氏云自岱東至海詩疏引孫炎云此蓋
殷制釋文云爾雅營州為禹貢之青州矣鄭注見史記
集解嶠夷既畧注馬融曰嶠夷地名用功少曰畧嶠一作

禹又作嶠夷一作鐵嶠夷史記索隱引今文尙書及

古夷字也說文鐵古文从夷蓋緩讀之即為夷聲矣說
文又云嶠夷在冀州陽谷立春日日值之而出尙書曰
宅嶠夷以嶠為封嶠山字則古文嶠本从土唐虞青州
既兼營州則當越海而至遼東與冀州連界故許氏云
在冀州也畧者說文云經畧土地也廣雅釋詁云畧治
也經言畧者義當為治馬注見史記集解以畧為云用
功少者漢書集注畧簡也高誘注淮南子云畧約要維
也簡約是用功少之義以在海外治之不多用功也維

淄其道 **注** 史遷其作既鄭康成曰濰淄兩水名地理志

云濰水出瑯邪箕屋山淄水出泰山萊蕪縣原山淄一

作淄 **注** 淄俗字漢志作淄周禮作菑說文無淄字俗加

解及詩譜疏引地理志者漢志琅邪郡箕縣禹貢濰水

北至都昌入海過郡三行五百二十里兗州濰也說文

云濰水出琅邪箕屋山東入海徐州浸夏書曰濰淄其

道案箕縣故城在今山東莒州東屋山在州西北過郡

三者琅邪高密北海也都昌今山東昌邑縣云淄水出

泰山萊蕪者地理志泰山萊蕪原山淄水所出東至博

昌入沛萊蕪今山東縣屬泰安府博昌今山東博興縣

地理志言入沛鄭不引者漢志言入沛水經云東過利

縣東北逕馬井城北與時繩之水互受通稱又東北至皮

丘沈入于海是淄水下流異 **厥土白墳海濱廣斥** **注** 史

名且非禹貢及漢時故道矣 **注** 濰俗字當為濰漢書地理志作濰說

鹹鹵濱一作瀕 **注** 文瀕水厓也史公斥作瀕徐廣曰一

作澤又作斥地理志亦作瀕當為瀕史記河渠書云

概澤鹵之地索隱曰澤一作瀕木或作斥文選海賦云

襄陵廣易注云斥為易古今字也周禮草人鹹易用貍

注云瀕鹵也是澤斥易三字通俗加水作瀕鄭注見史

記集解云斥謂地鹹鹵者說文云 **厥田惟上下厥賦中**

鹵鹹地東方謂之斥西方謂之鹵 **注** 鄭康成曰海物海魚也魚種

上厥貢鹽絺海物惟錯 **注** 鄭康成曰海物海魚也魚種

類尤雜 **注** 此州貢鹽者爾雅釋地云中有岱岳與其五

雅岱岳生魚鹽周禮職方兗州其山岱賦絲桌鉛松怪

石注賦一作叻說文賦作人云水小流也古文作

作剛剛即谷也蓋徐本作賦釋之為谷釋名云山下根

之受雷處曰剛剛也吮得山之肥潤也桌者釋草云

麻也馬氏注喪服傳云麻之有黃者鉛者說文云青

金也怪石顏師古注漢書云石之次玉美好者也

夷作牧注史遷去為牧地哩志東萊黃縣有萊山春

東萊黃縣是春秋左氏定十年傳齊使萊人以兵劫魯

侯孔丘曰裔夷之俘亂之注云萊人齊所滅萊夷也云

東萊黃縣是者案黃縣今屬山東萊州府作牧者當以

鳥獸為貢周禮太宰職以九職任萬民四曰藪牧養蕃

鳥獸據徐州淮夷玼珠暨魚鄭注云厥筐檠絲注史遷

獻珠與魚知此亦當貢其所牧也

檠作會注檠者爾雅釋木云檠桑山桑注云似桑材中

作弓及車轆漢書注師古云食檠之蠶絲可

以絃琴瑟史公作會者浮于汶達于濟注鄭康成曰地

與地理志同假音字

理志汶水出泰山萊蕪原山西南入濟濟一作泲注鄭

見史記集解引地理志者漢志泰山萊蕪原山禹貢汶

水出西南入泲汶水桑欽所言萊蕪今山東縣云西南

入濟者水經汶水出泰山萊蕪縣原山又云汶水出泰

山萊蕪縣原山過壽張縣北又西南至安民亭入于濟

案安民亭在今山東東平州海岱及淮惟徐州注鄭康

安山鎮汶達于濟故道在此

成曰徐州界又南至淮水注釋地云濟東曰徐州書疏

舒稟性安徐故曰徐舒也釋名云徐州徐舒也土氣

舒緩也釋文引太康地記以為取徐丘為名周合其地

於青州呂氏春秋有始覽云泗上為徐州魯也鄭注見

公羊莊十年傳云南至淮水不言海岱者蒙上青州之

注徐州直青州

淮沂其又注

史遷又作治鄭康成曰淮

沂二水名地理志沂水出今太山蓋縣疏史公又為治

也又省文鄭注見周禮職方氏疏水經注引鄭注云出

沂山引地理志者漢志泰山蓋沂水南至下邳人泗過

郡五行六百里今沂山及蓋故城俱在山東沂水

縣西北過郡五當為四泰山成陽琅邪東海也

其藝注鄭康成曰蒙羽二山名藝一作藝疏地里志泰

貢蒙山在西南東海祝其禹貢羽山在南縣所殛案蒙

陰今山東縣屬沂州府故城在新泰縣東南祝其今江

南海州藝者廣雅釋詁云治也偽傳云種藝非也大野

漢地理志作藝此加云俗字鄭注見史記集解

既豬注史遷豬作都鄭康成曰大野在山陽鉅野北名

鉅野澤野一作壘疏地理志山陽鉅野大野澤在北水

野作壘見漢地理志史公豬作都者鄭注檀弓云豬都

也南方謂都為豬周禮稻人以豬畜水鄭注見史記集

解鉅野今山東東原底平注鄭康成曰東原地名今東

縣屬曹州府

平郡即東原疏鄭注見史記集解云東平郡即東原者

郡即尚書之東原也釋地云廣平曰原說文云遼廣平

之野人所登史記正義云徐州在東故曰東原水已去

致平復言厥上赤埴墳注鄭康成埴作戠曰戠讀曰熾

可耕種也疏埴者史記集解徐廣云黏土也考工記注同

熾赤也疏鄭注見釋文云徐鄭王皆讀曰熾韋昭音試

云熾赤也見李善注蜀都賦廣韻戠作戠云赤土也加

土俗字釋言云熾盛也說文熾盛也古文作戠火盛色

赤故戠草木漸包注馬融曰漸包相包裹也漸一作薪

為赤也

包一作苞疏漸者釋文云本作薪說文薪草相薪苞也

苞豐也馬注見釋文云相包裹者文選蜀都賦云柯葉

漸苞劉淵林注云漸苞相苞裹而同長也玉篇云薪草

薪草

相薪包裹也疑用說文今說厥田惟上中厥賦中中厥

文薪包也包下當脫裏字

貢惟土五色注鄭康成曰土五色者所以為大社之封

疏鄭注見史記集解去所以為大社之封者周書作雒

赤土西白土北驪土中央豐以黃土將建諸侯鑿取其

方又去將封諸侯各取方土直以白茅以為社釋名云

徐州貢土五色青黃赤白黑也史記正義引太康地記

云城陽姑幕有五色土封諸侯錫之茅土用為社此土

即禹貢徐州土也今屬密州莒縣也案姑幕今山東莒

州羽畎夏翟注鄭康成曰羽山之谷貢夏翟之羽畎一

作畎翟一作狄疏夏翟者周禮天官有夏采注云夏采

染人秋染夏注云染夏者染五色謂之夏者其色以夏

狄為飾禹貢曰羽畎夏狄是其總名其類有六曰翟曰

搖曰鳥曰雉曰希曰蹲其毛羽五色皆備成章染者擬

以為深淺之度是以放而取名焉按其注見爾雅釋鳥

文字小異畎翟染人注引作畎狄詩衛風右手秉翟韓

詩作狄地理志引此亦作狄鄭注見詩節南山疏及周

禮天嶧陽孤桐注鄭康成曰地理志嶧山在下邳今下

官疏嶧陽孤桐注鄭注見史記集解及太平御覽引地

邳西葛嶧山也疏地理志者漢志東海下邳葛嶧山在西

古文以為嶧陽班氏以嶧陽為山名與鄭異也說文嶧

葛嶧山在東海下邳引此文不以嶧陽為山名鄭義本

此史記正義引括地志云嶧山在兗州鄒縣南二十二

里引鄒山記今猶多桐樹此是鄒縣嶧山在兗州非邳

州之葛嶧山也案下邳今江南邳州地孤桐桐特生者

周禮大司樂云孤竹之管注云孤竹竹特生者是也

泗濱浮磬注鄭康成曰泗水出濟陰乘氏也濱一作瀕

疏鄭注見史記集解云泗水出濟陰乘氏者地理志濟

陰乘氏泗水東至睢陵入淮過郡六行一千一百一

書疏第三

七

十里水經注泗水東南過呂縣南水上有石梁故曰呂
梁晉太康地記曰水出磬石書所謂泗濱浮磬也史記
正義引括地志云泗水至彭城呂梁出石磬按乘氏今
山東鉅野縣地泗水至此分為二一入荷水一入淮其
源實出泗水縣泉林鄭據分流處言之也過郡六者濟
陰山陽沛楚東海臨淮也呂梁洪今在江南徐州東南
也濱作瀕見地理志

淮夷蠙珠暨魚注

史遷暨作泉馬

融曰淮夷二水出蠙珠與魚鄭康成曰蠙珠珠名淮夷

淮水之上夷民獻此蠙珠與美魚也蠙一作玼

疏 淮夷

云東國在淮浦而夷行也蠙說文作玼云珠也宋宏云
淮水中出玼珠玼珠之有聲史記索隱云蠙一作玼地
理志顏注同大戴禮保傅篇云玼珠以納其間盧氏注
云玼亦作蠙書釋文玼引韋昭薄迷反蚌也段氏玉裁
云說文玼珠之有聲當作蚌之有聲者脫蚌字引山海
經鮒鮒之魚音如磬石之聲是生珠玉以証之史公暨

作泉者地理志亦作泉說文云泉與也詩泮水疏引此
又作泊皆古文也周禮籩人朝事之籩有鮑魚鮑注云
鮑者於榻室中煨乾之出於江淮也鮑者析乾之出東
海王者備物近者腥之遠者乾之因其宜也馬注見釋
文云二水未詳鄭注見史記集解及書疏云淮水上夷
民者費誓云淮夷徐戎則徐州實有夷民在淮水之上
與詩傳異也云美魚者禮器云厥筐元纖縞

曰纖細也祭服之材尙細

文云練漑縞也然則縞是漑縞即漑帛也司馬彪注子
虛賦云縞細縞猶鄭氏云纖細也鄭注見史記集解云
纖細者說文訓也云祭服之材者周禮齋服有元端又
有素端是祭服有元縞也鄭注間傳云黑經白緯曰纖
不注此者禮之變

服非祭服之材也

疏

說文云荷水在山陽湖陸南禹貢浮于淮泗
一作荷

于荷水在南注應邵曰尚書荷水一名湖水經濟水又
東至乘氏縣西分爲二其一水東南流注云南爲荷水
北爲濟瀆經又云其一水東南流者過乘氏縣南注云
荷水分濟于定陶東北東南流右合黃溝枝流又東北
于乘氏縣西而北注蒗水水經又云濟水又東過湖陸
縣南東入於泗水注云澤水所鍾也尚書曰浮于淮泗
達于荷是也又水經泗水南過方與縣東荷水從西來
注之又屈東南流過湖陸縣南又云泗水東南過下邳
縣西又東南入淮注云泗水又東逕角城北而東南流
注於淮案乘氏縣今山東荷澤縣湖陸縣今山東魚臺
縣角城故城在今清河縣西然則徐州之貢浮淮
入泗故道在今清河縣達于荷故道在今魚臺縣也荷
字今誤作河史記夏本紀亦
誤作河應從說文等書更正

禹貢第三上終

禹貢第二中

虞夏書三

尚書今古文注疏卷三

賜進士及第授通奉大夫山東督糧道加三級孫星衍撰

淮海惟揚州

注

鄭康成曰揚州界自淮而至海以東也

疏

釋地云江南曰揚州公羊疏引李巡云江南其氣慘

勁厥性輕揚故曰揚州又引孫氏曰自江南至海也
釋名云揚州州界多水水波揚也釋文引太康地記云
以揚州漸太陽位天氣奮揚履正含文明故取名焉呂
氏春秋有始覽云東南爲揚州越也鄭注見公羊莊十
年傳疏云自淮而南至海以東者此經下云東漸于海
則青徐揚之海皆東海也故云至海以東
也僞傳云南距海則遠至閩廣非經義
彭蠡既豬陽

鳥攸居

注

史遷緒作都攸作所鄭康成曰彭蠡澤在豫

章彭澤西南方謂都爲豬陽鳥鴻雁之屬隨陽氣南北

攸一作適 **疏** 史公豬為都者義見鄭注攸為所者爾雅

匏有苦葉疏云彭蠡澤在豫章彭澤西者地理志云豫

章彭澤禹貢彭蠡澤在西北水經禹貢山水澤地所在云

在西北案彭澤故城在今江西都昌縣北澤即鄱陽湖

所居引此文王充言眾鳥故鄭以鴻雁之屬統之云隨

陽氣南北者淮南時則訓仲秋之月候雁來注云時候

雁從北漠中來過周雒南至彭蠡也又季秋之月候雁

來注云是月時候之雁從北漠中來南之彭蠡蓋以為

八月者其父母也是月來者蓋其子也羽翼稚弱故在

後耳又見高誘注呂氏春秋則漢時有此說鄭用之也

攸作適見三江既入 **注** 鄭康成曰三江左合漢為北江

地理志 **會彭蠡為南江岷江居其中則為中江故書稱東為中**

江者明岷江至彭蠡與南北合始得稱中也三江分于

北至江夏沙羨縣西北沔水從北來注之注云江水又

東逕魯山南古翼際山也地說曰漢與江合於衡北翼

際山旁者也地理志曰夏水過郡入江故曰江夏也又

水經云沔水又南至江夏沙羨縣北入江於江夏水與

江合流又東過彭蠡澤又東北出居巢縣南又東過牛

渚縣南又東至石城縣分為二其一東北流其一又過

毗陵縣北為北江注云丹徒縣北二百步有故城本毗

陵郡治也城北有揚州刺史劉繇墓淪於江即北江也

地志云會稽毗陵江在北東入海案今江南丹徒鎮

即是也云會稽彭蠡為南江者地理志會稽吳縣南江在

首受江東至餘姚入海過郡二行千二百里過郡二者
丹陽會稽也石城今安徽池州府西境餘姚今浙江縣
吳國今江南吳縣此鄭所云南江也云岷江居其中則
為中江者地理志丹陽蕪湖中江出西南東至陽羨入
海揚州川陽羨今江南宜興縣建康志云江舊逕溧
陽縣今永陽江即其遺跡景福三年作五堰是時中江
置堰江流亦既狹矣其後東壩既成中江遂不復東惟
永陽江水入荆溪此鄭所云中江今不復至陽羨也
震澤底定注史遷底作致震一作振疏震澤亦名具區
縣具區澤在西古文以為震澤水經禹貢山水澤地所
在云在吳縣南五十里鄭注周禮職方氏云具區在吳
南則此注亦同也震篠篠既敷注史遷篠篠作竹箭敷
史記索隱去一作振篠篠既敷注史遷篠篠作竹箭敷
作布鄭康成曰篠箭篠大竹也篠一作筱疏史公篠篠
文異字也說文楛引書曰竹箭如楛言夏書竹箭讀箭
如楛也周禮職方氏揚州其利金錫竹箭注故書箭為

晉杜子春云晉當為箭書亦或為箭是楛與箭聲相近
敷為布者經典多通用鄭注見儀禮大射疏及竹譜注
云篠箭者爾雅釋草云篠竹箭說文作筱云箭屬小竹
也引此文云篠大竹者爾雅釋草文書疏引孫炎云竹
間節者曰篠又引李巡厥草惟夭注馬融曰天長也疏
云竹節相去一丈曰篠厥草惟夭注馬融曰天長也疏
馬注見釋文云天長者詩桃夭傳云天其少壯厥木
也鄭注大學云天天美盛貌壯盛與長義相近厥木
惟喬疏喬者詩傳云南方厥土惟塗泥注馬融曰漸洳
之木美喬上疎也注馬融曰漸洳
塗當為涂俗加土論語陽貨遇諸塗釋文塗本作
也疏塗考工記引爾雅堂塗謂之陳今爾雅作塗馬注
見史記集解云漸洳者詩汾沮洳傳云其漸洳者說文
漸漸溼也漢書東方朔傳云塗者漸洳徑也馬義所本
厥田惟下下厥賦下上錯疏江氏聲云上錯謂稊出
賦也九等之賦下上厥貢惟金三品注鄭康成曰金三
為第七中下為第六書流第三中

品者銅三色也

疏

鄭注見書疏及詩泮水疏云銅三色

黃金之美者謂之鏤白金謂之銀貢金銀者既以鏤銀

為名則知金三品者其中不得有金銀也又檢禹貢之

文厥貢鏤鐵錫鉛銀獨無銅故知金即銅也春秋左氏

僖十八年傳田鄭伯始朝于楚楚子賜之金既而海之

與之盟曰無以鑄兵故以鑄三鐘考工記云六齊六分

其金而錫居一謂之鐘鼎之齊是謂銅為金也三色者

蓋青白赤也案楚賜鄭伯金是荆州之銅揚州亦出銅

史記貨殖傳吳有章山之銅是也禮器疏云荆揚二州

貢金三品者禹貢文鄭注以為金銀銅三品者三

色也與書及詩疏所引鄭注不同疑禮器疏誤

篠簜注史遷篠簜作竹箭琨一作瓊

之美者琨作瓊者釋文云馬本作瓊說文琨石之美者

虞書曰揚州貢琨琨或作瓊地理志亦作瓊史公篠簜

作竹箭者與上篠簜既

布同非詁字蓋今文也

齒革羽毛惟木

者周禮地官

司徒角人掌以時徵齒角凡骨物於山澤之農以當邦

賦之政令羽人掌以時徵羽翮之政于山澤之農以當

邦賦之政令天官冢宰掌皮掌秋斂皮冬斂革春獻之

是也史記夏本紀及漢志全引此經俱無惟木二字江

氏聲曰

島夷卉服注鄭康成曰此州下濕故衣草服貢

其服者以給天子之官鳥

疏鳥夷漢志作鳥夷

之夷善搏鳥者後漢書度尚傳云深林遠藪推髻鳥語

之人置於縣下注云鳥語謂語聲似鳥也書曰鳥夷卉

服則唐時尚作鳥夷鄭注見書疏云下濕衣草服者說

文衰草雨衣秦謂之革越語云譬如衰笠時雨既至必

求之云貢其服給天子之官者郊特牲云黃衣黃冠而

祭息田夫也野夫黃冠黃冠草服也大羅氏天子之掌

鳥獸者也諸侯貢屬焉草笠而至尊野服厥筐織貝

注鄭康成曰貝錦名也詩云成是貝錦凡織者先染其絲

織之即成矣禮記曰士不衣織疏鄭注見史記集解及

為實篚之物且與織連文知非水貝詩巷伯傳云貝錦

錦文也箋云錦文者文如餘泉餘砥之貝文也云士不

衣織者厥包橘柚疏必苞苴之引此文橘者說文云果

玉藻文出江南又云柚條也似橙而酢夏書曰厥包橘柚釋木

云柚條列子湯問篇云吳楚之國有大木焉其名為櫟

碧樹而冬生實丹而味酸食其錫貢注鄭康成曰此州

皮汁已憤厥之疾櫟與柚同

有錫則貢之或時乏則不貢錫所以柔金也疏鄭注見

解及書疏云有錫則貢之或時乏則不貢者江氏聲云

此既楚貢而不于厥篚之上言之退之在下別出貢文

故知非常貢也云錫所以柔金者呂氏春秋物類篇云

金柔錫柔合而柔則為剛考工記云攻金之工掌執金

錫之齊又云金有六齊或沿于江海達于淮泗注史遷

錫居一或金錫半是也

沿作均馬融作均日均平一作松鄭康成曰松讀曰沿

沿順水行也疏沿釋文云鄭本作松蓋古文又云馬本

均經云沿于江海達于淮泗者水經淮水東北至下邳

淮陰縣西泗水從西北來注之注云淮泗之會即角城

也經又云淮水東至廣陵淮浦縣入于海案角城故城

在今江南清河縣西南淮浦縣在今沐陽縣東南蓋其

言沿不言浮自暴秦元季始有荆及衡陽惟荆州注鄭海運之事古昔盛時所必無也

康成曰荆州界自荆山南至衡山之南疏釋地云漢南

引李巡云荆州其氣燥剛稟性疆梁故曰荆荆疆也南蠻

數為寇逆其民有道後服無道先疆常警備之也呂氏

春秋有始覽云南方為荆州楚也荆即荆山地理志南

郡臨沮禹貢南條荆山在東北案臨沮今湖北南漳縣

山在縣西鄭注見公羊莊十年傳疏說文云山南曰陽

經云衡陽故云注江漢朝宗于海注鄭康成曰江水漢水

其流遄疾又合為一其赴海也猶諸侯之同心尊天子

而朝事之荆楚之域國有道則後服國無道則先疆故

記其水之義以著人臣之禮疏朝說文作淖云水朝宗

于海御覽引說文淖朝

也疑古文有作淖者說文云淖小水入大水也疑宗之

本字論衡書虛篇云夫地之有百川也猶人之有血脉

也血脉流行汎揚動靜自有節度百川亦然其朝夕往

來猶人之呼吸出入也經曰江漢朝宗于海其發海之

時濤虞翻注易習坎有孚曰水行往來朝宗于海不失其

時如月行天則是謂朝宗為潮水此蓋今文家說鄭注

見書疏云江水漢水合為一者謂沔左合漢水分三江

俱入海也云猶諸侯之同心尊天子者詩沔水云沔彼

流水朝宗于海傳云沔水沔水滿也水猶有所朝宗箋云

水流而海小就大也喻諸侯朝天子亦猶是也諸侯

春見天子曰朝夏見曰宗毛鄭義同也云荆楚之域國

有道則後服云云者呂氏春秋召類篇云堯戰於丹水

舜南征三苗道死蒼梧韓詩外傳云舜伐有苗修務訓云

服其不服者衡山在南岐山在北左洞庭之陂右彭澤

之水由此險也以其不服禹請伐之故鄭以說此經也

鄭義同蓋 **九江孔殷** **注** 史遷孔殷作甚中鄭康成曰地本古說

理志九江在尋陽南皆東合為大江殷猶多也九江從

山谿所出其孔衆多言治之難也 **疏** 九江者地理志廬

江在南皆東合為大江豫章郡鄱陽縣鄱水西入湖漢

餘汗縣餘水在北至鄱陽入湖漢艾縣修水東北至彭

澤入湖漢行六百六十里贛縣豫章水出西南北入大

江南城縣盱水西北至南昌入湖漢建成縣蜀水東至

南昌入湖漢宜春縣南水東至新淦入湖漢雲都縣湖

漢水東至彭澤入江行千九百八十里南望縣彭水東

入湖漢史記河渠書云余南登廬山觀禹疏九江書釋

文引地記云九江劉歆以為湖漢九水入彭澤也凡此

八水并湖漢水為九俱入江史公說孔為甚殷為中者

俱釋言文言九江甚中者九江之水在豫章郡非荆川

水而水經云沔至江夏沙羨縣北南入于江沔水與江

合流又東過彭蠡澤是九江入此澤而合大江故云甚

中鄭注見書疏引地理志見前文云殷猶多者詩傳云

殷衆也衆多同義云九江從山谿所出其孔甚多者即

謂地理志入湖漢諸水史記索隱又 **沱潛既道** **注** 史遷

引尋陽記烏江等九江非古義也 **沱** 潛既道 **注** 史遷

潛作沱既作已馬融曰沱湖也其中泉出而不流者謂

之潛鄭康成曰爾雅釋水云水自江出為沱漢別為沱

今南郡枝江縣有沱水其尾入江耳首不于江出也華

容有夏水首出江尾入沔蓋此所謂沱也潛則未聞象

類潛一作潛 **疏** 史公潛為沱者地理志漢中安陽鵞谷

水出西南北入漢水經作沱水云出南

鄭縣東南旱山北至安陽縣南入于沔注云即黃水也

案即今陝西西鄉縣洋河鄭氏以其入漢非出于漢故

云未聞象類又見下疏馬注見釋文鄭注見吳志注及

書疏云枝江有沱水者地理志南郡枝江江沱出西南

書疏第三中

東入江水經禹貢山水澤地所在云荆州沱水在南郡枝江縣今在湖北枝江縣云首不於江出謂與釋水義不合也云華容有夏水首出江尾入沔者地理志南郡華容夏水首受江東入沔行五百里即今湖北沔陽州南長夏水也鄭又云蓋此所謂沱者無實証以其出江入沔疑為沱耳云潛則未聞象類者荆州境內漢水為潛無首出漢之水以應之也

雲土夢作史遷作雲夢土為治夢

一作曹雲夢作雲土夢者楚語王孫圉曰有藪曰雲連徒洲注云楚有雲夢徒其名也案徒土音相近地理志南郡華容雲夢澤在南荆州藪案華容故城在今湖北荆州東澤即洞庭湖在今岳州府西南王逸注楚詞云夢澤中也楚中名澤中謂夢中是雲為澤名夢非二澤也史公雲土夢作雲夢土者亦見地理志作曰為又曰治者見前疏王氏引之云作者詩傳云始也古字為作言乍治較舊說為長夢一作曹者史記索文

隱厥土惟塗泥厥田惟下中厥賦上下厥貢羽毛齒革

注 史遷毛作旄惟金三品 椀幹栝柏 **注** 馬融曰栝白栝

也鄭康成曰椀幹栝柏四木名幹栝栝栝柏葉松身曰栝

疏 椀者說文云木也夏書曰椀幹栝栝或作椀鄭注考工記引此亦作椀椀者郭璞注中山經云椀木似椀

樹材中車輶吳人呼椀者輶車或曰輶車郭注爾雅引俗語曰椀椀漆相一如一圖經本草云椀木椀木形

幹大抵相類但椀木實而葉香可噉椀木疏而氣臭北人呼椀為山椿是本草以椀為椿也幹字當依說文引

經作榦釋文未作榦馬注見釋文鄭注見考工記疏及詩竹竿疏云幹栝幹者詩皇矣云其檟其栝考工記云

荆之幹材之美者弓人云取幹之道七栝為上云栝葉

松身曰栝者釋木云檜栝葉松身栝者釋木云掬說文

字作礪礪斫丹 **注** 鄭康成曰礪磨刀石也精者曰礪礪

一作厲 **疏** 礪俗字地理志作厲說文厲旱石也或作礪旱石當為悍石韋昭注語悍強也史記集解

引應邵注云礪砥石也說文云底柔石也或作砥礪石
可以為矢鏃丹巴越之赤石也鄭注見書疏云磨刀石
精者曰砥者史記集解引應邵注云厲砥石也郭璞注
西山經云砥礪磨石也精為砥粗為礪也與鄭義同厲
有粗義者詩傳云厲惡也言粗惡之石惟箇箛楷三邦底貢厥名注史遷

作三國致貢其名馬融曰言箇箛楷三國所致貢其名

善也楷本名可以為箭鄭康成曰箇箛聆風也楷木類

竹有二名或大小異也箇箛是兩種竹也肅慎氏貢楷

矢即楷中矢幹二物皆出雲夢之澤當時驗之猶然經

言三邦底貢知近澤之國致此貢也箛一作箛楷一作

枯箛箇箛者說文云箇箇箛也古文作箛引此文又枯
夏書曰唯箇箛枯木名也箇者呂氏春秋木味篇

云越駱之箇注云箇竹箭也中山經暴山其木多箛箇
注云箇亦篠類中箭箛者廣雅釋草云箭也是與楷三
者皆箭材也史公作三國致貢其名者以厥名上屬為
句與鄭說異也集解徐廣曰一作箭足杆箭足以訓箇
箛杆當以于杆音近枯也馬注見史記集解及釋文鄭
注見史記集解又見考工記疏及書疏云聆風者史記
集解聆从竹俗字茲依書疏馬融長笛賦有聆風是竹
別名云肅慎氏貢楷矢者考工記疏作周之始肅慎氏
貢枯矢石弩魯語云武王克商通道于九夷八蠻使各
以其方賄來貢使無忘職業于是肅慎氏貢枯矢石弩
其長尺有包匭菁茅鄭康成曰厥名包匭匭纏結也
是也

菁茅茅有毛刺者給宗廟縮酒重之故包裹又纏結也

匭書疏云鄭元以厥名下屬與史公馬氏義異也鄭注
見史記集解云匭纏結者說文籀古文作匭黍稷方

器也江氏聲云鄭讀匭為糾匭從九得聲與糾音近劉
逵注吳都賦云匭猶結也引此文云生桂陽可以縮酒

給宗廟異物也重之故既包裹而又纏結之一曰匭也蓋用鄭義而云一日柙也又泥匭字之詰云菁茅有毛刺者管子輕重丁篇云江淮之間一茹三春名曰菁茅云給宗廟縮酒者見春秋左氏僖四年傳周禮甸師祭祀共蕭茅注鄭大夫云蕭字或為茜茜讀為縮束茅立之祭前沐酒其上酒滲下去若神飲之故謂之縮亦以縮酒苴以藉祭縮酒沛酒也體齊縮酌說文禮祭束茅加于裸圭而灌鬯酒是為茜象神飲之也一日茜榼上塞也先鄭與許說宗廟縮酒雖異皆用茅也劉逵注吳都賦云茅生桂陽史記正義引括地志云辰州盧溪縣西南三百五十里有包茅山武陽記云山際出苞茅有刺而三脊因名苞茅山偽傳以包為包橘柚菁為菁菹與管子名菁茅左傳稱包茅之義不合失之矣

厥篚元纁璣組

注馬融曰組文也

疏元以為衣纁以為裳組以佩玉系冠

周禮染人夏纁元注云元纁者天地之色以為祭服詩傳云元黑而有赤色也說文纁淺絳也廣雅釋器云纁

赤也鄭注士冠禮云纁裳淺絳裳此注雖不具鄭義當與注禮同也璣組元纁同為篚實當非珠璣與組二物証以徐州蟻珠雍州琅玕皆不入篚疑組文似璣故曰璣組猶織貝之為錦文也少儀車不雕幾注云幾附纏為沂鄂也璣聲近幾璣或璫字周書王會云王元繚璧綦十二孔冕注云元繚謂以黑組紐之綦玉名有十二也說文組綬屬其小者以為冕纁應邵注漢書本紀云組者今綬紛條是也馬注見釋文云組文者當云璣組文也今本

九江納錫大龜

注史遷納錫為入賜馬融曰

脫字耳

納入也 **疏**史公納作入者納人經典通字錫者釋詁云賜也大龜者元龜白虎通著龜篇引禮三正

記曰天子龜長一尺二寸諸侯一尺大夫八寸士六寸馬注見釋文

浮于江沱潛漢逾于洛至于南河 **注**史遷潛漢作涿于漢潛一作灃逾一作

踰 **疏**經以浮于江沱潛漢為九江納龜之道則此江沱潛漢當在九江已東故鄭注不取蜀郡江沱及巴

郡潛水之說欲以夏水為江沱而云未聞潛水也經云
逾于洛者江漢與洛不通流故云逾詩傳云踰越也逾
與踰同史公作潛于漢者讀潛于江沱潛為句又云于
漢釋文云本或作潛于漢非是唐人不善讀史記文反
非之也段氏玉裁云無逸篇云無淫于觀于逸于游于
田以淫領四于字此以淫領二字字句法正同陸氏誤
絕其句故非之南河者顏師古注地理志荆河惟豫州
理志云在冀州南潛作灑見地理志

康成曰豫州界自荆山而北至于河疏豫州書疏引李
巡云河南其氣著密厥性安舒故曰豫豫舒也公羊疏
引孫氏云自東河至西河之南曰豫州釋文引春秋元
命包云豫之言序也言陽氣分布各得其處故其氣平
靜多序也呂氏春秋有始覽云河漢之間為豫州周也
注云河在北漢在南故曰之間鄭注見詩王風譜及公
羊莊十年疏去自荆山而北至于河者荆山注在經文
至于荆山下云北至于河伊洛澠澗既入于河注洛一
者即高誘所云河在北也

作雒疏地理志云宏農郡盧氏伊水出東北入雒行四
入河過郡三行千七百里豫州川河南郡穀城禹貢澠
水出晉亭北東入雒宏農郡新安禹貢澗水在東南入
雒案澠字當作廛淮南本經訓云導廛澗不從水水經
河水過鞏縣北洛水從縣西北注之伊水東北至洛陽
縣南北入于洛澠水東過偃師縣又東入於洛澗水出
新安縣南白石山東南入于洛鞏縣洛陽偃師新安皆
今河南縣蓋伊澗澠會洛入河也伊出盧氏今河南縣
洛出上洛今陝西商州過郡二者宏農河南也澠出穀
成在今河南洛陽縣西注柴波既豬注史遷波作播一作
北洛一作雒見地理志

潘豬一作都馬融曰柴播澤名鄭康成曰沈水溢出河
為澤也今塞為平地滎陽民猶謂其處為滎播在其縣
東春秋魯閔公二年衛侯及狄人戰于滎澤此其地也

疏史公波作播者書疏云馬鄭皆作榮播史記索隱曰
今文是今文與馬鄭書及史記合也說文云潘水名
在河南榮陽亦即此水豬作都者周禮職方氏其浸波
差注波讀為播禹貢曰榮播既都水經云濟水南當鞏
縣北南入於河與河合流又東過成臯縣北又東過榮
陽縣北又東至礫谿南東出過榮澤北注引晉地道志
曰濟自大伾入河與河水鬪南決出為榮注又云濟水
又東逕榮澤北故榮水所都也京相璠曰榮澤在榮陽
縣東南與濟隧合濟隧上承河水于卷縣北南去新鄭
百里蓋榮播河濟往復徑通矣榮陽今為河南榮澤河
陰二縣地馬注見釋文云榮播澤名者水經注引鬪駟
說同又引呂忱曰播水在榮陽則榮播是一澤偽傳以
為榮澤波水已成過豬似二水名失之鄭注見詩竹竿
疏云泆水溢出河為澤即下入于河溢為榮是也云今
塞為平地者水經濟水注云出河之濟即陰溝之上源
也濟隧絕焉故世亦或謂其故道為十字溝自于岑造
八激隄於河陰水脉經斷故瀆難尋又南會于榮澤然
水既斷民謂其處為榮澤春秋衛侯及翟人戰于榮澤

而屠懿公宏演報命納肝處也與鄭義合春秋左
氏宣十二年傳楚潘黨逐晉魏錡及榮澤亦此地
澤被孟豬注史遷導作道孟豬一作明都一作盟豬疏
地理志濟陰郡禹貢河澤在定陶東梁國睢陽禹貢盟
諸澤在東北水經禹貢山水澤地所在俱同水經濟水
注云尚書曰導萍澤被孟豬孟豬在睢陽縣之東北鬪
駟十三州記曰不言入而言被者明不常入也水盛方
乃覆被矣史記正義引括地志云河澤在曹州濟陰縣
東北九十里定陶城東今名龍池亦名九卿陂案定陶
今山東縣屬曹州府睢陽今河南商邱縣自河決徙流
孟諸故迹不可考矣史公導作道者周語為川者決之
使導注云導通也法言聞道篇云道也者通也是導與
道俱為通也孟豬作明都者經典豬都通字周禮職方
作望諸釋地去宋有孟諸地理志作盟豬厥土惟壤下
孟明盟望諸都諸俱聲相近古假借用之

土壤墟注馬融曰豫州地有三等下者墳墟也豫州地
昔流第三中
土

青鄭康成曰墟疏也

疏馬注見史記集解及太平御覽

禮器或素或青云變白黑言素青者秦二世時趙高作

亂或以青為黑黑為黃民言從之至今語猶存也則言

土青者猶言墟也鄭注見禮書卅四卷云墟疏者說文

墟黑剛土也釋名云土黑曰墟墟然解散也鄭注周禮

草人云墟墟黏疏者以黏訓墟疏訓墟也疏者

溝洫志云地形下而土疏惡詩箋云疏麤也

厥田惟

中上厥賦錯上中厥貢漆枲絺紵厥筐織纊

注史遷枲

作絲纊作絮

疏紵者說文云棘屬細者為絰粗者為紵

文纊縣也絮之細者曰纊故此云織纊也史公枲作絲

者蓋今文異字纊為絮者見說文云絮敝縣也似與纊

微異史公取以釋

纊但取義于縣耳

錫貢磬錯

疏磬玉磬錯為厝借字說

云他山之石可以為錯傳云錯石也可以琢玉顏師古

注地理志云亦待錫命而貢案玉磬惟天子得用之郊

特性云擊玉磬諸侯之借禮也詩那箋云玉磬尊故異
言之則治磬之石必待錫命而貢示諸侯不敢有治玉
器之

浮于洛達于河

疏唐石經作

華陽黑水惟梁州

注

鄭康成曰梁州界自華山之南至于黑水也

疏釋地無

氏春秋有始覽九州亦無梁蓋梁周雍州兼有梁州之

地與夏時異也經云黑水者水經沔水東過南鄭縣南

注云漢水又東黑水注之水出北山南流入漢使仲雍

曰黑水去高橋三十里諸葛亮賤云朝發南鄭暮宿黑

水西五十里即是水也史記正義引括地志云黑水出

梁州城固縣西北太山以注華陽黑水蓋本古說案

城固今陝西縣也鄭注見公羊十年傳疏云至于黑水

者地理志益州郡滇池滇池澤在西北有黑水祠或以

為即鄭氏所云黑水然疑其太遠夏時荒服

之地禹迹不至也滇池今雲南晉寧州地

岷嶓既藝

注史遷岷作汶鄭康成曰地理志岷山在蜀郡湔氐道

岷山在漢陽西藝一作藝疏岷史公作汶漢志作岷

又作岷岐即汶俗字藝史記漢志皆作藝加云俗字藝

者廣雅釋詁云治也或云種藝失之鄭注見史記集解

引地理志者漢志蜀郡蒲氏道禹貢嶓山在西徼外隴

西郡西縣有禹貢嶓山經禹貢山水澤地所在云

嶓山在隴西氏道縣之南郡國志漢陽西有嶓山

鄭說嶓山在漢陽西者據後漢時天水郡縣名也

沱潛既道注史遷潛作沱一作灤鄭康成曰二水亦謂

自江漢出者地理志在今蜀郡郫縣江沱及漢中安陽

皆有沱水潛水其尾入江漢耳首不於此出江原有鄠

江首出江南至犍為武陽又入江豈沱之類與潛蓋漢

西出嶓冢東南至巴郡江州入江行二千七百六十里

漢別為潛其穴本小水積成澤流與漢合大禹自導漢

疏通即為西漢水也故書曰沱潛既道疏潛者說文云

潛史記作涿漢志作灤水經沔水條言涿水注沔正作

涿水地理志安陽鬻水又作鬻鄭注見書疏及水經潛

水注云二水亦自江漢出者因荆州沱潛注引爾雅言

之云蜀郡郫縣江沱者地理志蜀郡郫縣禹貢江沱在

西東入大江水經禹貢山水澤地所在云益州沱水在

蜀郡汶江縣西南其一在郫縣西南皆還入江案郫縣

之沱今名郫江自四川灌縣西南分江至瀘州復合者

西縣屬漢中府後漢書注故城在今縣東北安陽今陝
西洋縣東北地太平寰宇記洋州真符縣本安陽地是
也云其尾入江漢者水經河水東過南鄭縣南注云漢
水右合池水出旱山俗謂之獠子水又水經河水東
過魏興安陽縣南潏水出自旱山北注之是沱水潏水
尾俱入河河即漢也入河之處當在今陝西洋縣二水
皆出旱山首不從江出與爾雅不合故鄭云首不於此
出也云江原有鄠江首出江云者地理志江原鄠水
首受江南至武陽入江太平寰宇記云鄠江一名阜里
水自青城縣南流連溫江縣入江原界今日南江也案
地理志犍爲郡有武陽縣故城在今四川眉州彭城縣
東十里鄭以其首受江疑爲沱也又云潛蓋漢西出嶓
冢東南至巴郡江州入江者漢水即漾水見下嶓冢道
漾疏地理志巴郡宕渠潛水西南入江水經云潛水出
巴郡宕渠縣注云潛水蓋漢水枝分潛出故受其稱今
爰有大穴潛水入焉通岡山下西南潛出謂之伏水或
以爲古之潛水引鄭氏此注劉達注蜀都賦云禹貢梁
州云沱潛既道有水從漢中沔陽縣南流至梓潼漢壽

縣入穴中通岡山下西南潛出今名復水舊說云禹貢
潛水也書疏引郭氏音義云有水從漢中沔陽縣南流
至梓潼漢壽人大穴中通岡山下西南潛出一名沔水
舊俗云卽禹貢潛也史記正義引括地志云潛水一名
復水源出利州縣谷縣東龍門山大石穴下元和郡縣
志云縣谷縣潛水出東北龍門山書曰沱潛既道是也
案宕渠縣故城在今四川渠縣界渠江在縣東卽蔡蒙
此水也然則鄭注所云潛卽漢西出嶓冢者是也蔡蒙
旅平注鄭康成曰地理志蔡蒙在漢嘉縣疏鄭注見史
地理志者漢志蜀郡青衣有禹貢蒙山鄭云在漢嘉者
青衣應邵注漢志云順帝更名漢嘉也案青衣今四川
雅州府名山縣地鄭以蔡蒙爲一山僞傳誤云二山疏
云蔡山不知所在蓋本無此山也旅當讀如論語旅於
泰山之旅漢書班固述贊曰大夫臚岱史記六國和夷
表曰位在藩臣而臚于郊祀故釋文引韋音盧也和夷
底績注馬融曰和夷地名也鄭康成曰和夷和上夷所

居之地也和讀曰桓地志曰桓水出蜀郡蜀山西南行

羌中者也**疏**馬注見史記集解鄭注見水經桓水注云

和讀為桓者如溇注漢書云陳留之俗言

桓聲如和是也引地志者漢地理志蜀郡禹貢桓水出

蜀山西南行羌中入南海或云桓水即大金河江入蕃

地南厥土青黎**注**史遷黎為驪馬融曰黎小疏也**疏**史公

海驪者詩傳云純黑曰驪馬注見釋文云小疏者蓋前釋

豫州墟為疏故此云小疏即小麤也釋名云土青曰黎

似黎草厥田惟下上厥賦下中三錯**注**鄭康成曰三錯

者此州之地有當出下下之賦者少耳又有當出下上

中下者差復益少**疏**鄭注見書疏江氏聲云經言三錯

是正賦之外禘出三等而正賦下

中之下止有下下一等故知并其上二等為三錯偽傳

乃謂賦第八等禘出第七第九則是禘出二等并正賦

為三等鄭以他州言錯者皆是正賦之外別出一等此

言三錯明是正賦之外別為三等矣若并正賦為三等

則當言再錯不言三錯傳說非也云差復益少者正賦

下中間有出下下者但少耳又或有出下上者亦少差

而上之又有出中下者復益少也書厥貢璆鐵銀鏤

磬**注**馬融璆作鏐鄭康成曰黃金之美者謂之鏐鏤剛

鐵可以刻鏤也**疏**釋文璆一作鏐馬同釋器云黃金謂

之邊其美者謂之鏐注云鏐即紫磨

金鐵者說文云黑金也銀者釋器云白金謂之銀鏤者

說文云剛鐵可以刻鏤夏書曰梁州貢鏤磬者說文云

石可以為矢鏤夏書曰梁州貢磬丹丹當為磬也華陽

國志云臺登縣山有磬石火燒成鉄剛利禹貢厥賦磬

是熊罷狐狸**疏**熊者釋獸云虎醜說文云獸似豕山居

也熊罷狐狸冬蟄罷者釋獸云如熊黃白文說文同

古文作𧈧狐狸者釋獸云狸狐貓狝醜其足躡其跡也

說文云狐妖獸也鬼所乘之狸伏獸似貍周禮司裘云

王大射則其熊侯詩云熊羆是
裘又云取彼狐狸為公子裘
織皮西傾因桓是來

馬融曰治西傾山因桓水是來言無他道也鄭康成曰

織皮謂西戎之國也西傾雍州之山也雍戎二野之間

人有事於京師者道常由此州而來桓是隴阪名其道

盤桓旋曲而上故名曰桓是今其下民謂是阪曲為盤

也地理志西傾山在隴西臨洮來一作倭

云麓也釋文引李巡本麓作毳周書正西昆侖狗國

等請令以丹青白旄紕罽龍角神龜為獻說文罽西胡

毳布也紕氏人罽也鄭注周禮巾車云樊與纓皆以五

色罽飾之漢書高帝紀八年令賈人毋得衣錦繡綺縠

絺紵罽罽禁賈人衣又飾樊纓是以貢之或以為賤者

之服非也經文是為氏之假音字見下疏馬注見史記

集解云因桓水是來者地理志蜀郡桓水出蜀山西南

行羌中入南海水經同注引經文及馬注云余按據書

岷山西傾俱有桓水桓水出西傾山更無別流所導者

惟斯水爾浮於潛漢而達江沔故晉書地道記曰梁州

南至桓水西抵黑水東限扞關今漢中巴郡汶山蜀郡

漢嘉江陽朱提涪陵陰平廣漢新都梓潼犍為武都上

庸魏興新城皆古梁州之地自桓水以南為夷書所謂

和夷底績也然所可當者惟斯水與江耳桓水蓋二水

之別名為兩川之通稱矣則鄭道元與班氏馬氏以因

桓為桓水來無他道之說同也鄭注見水經桓水注及

史記集解鄭氏既引其說又駁之云斯乃元之別致恐

書疏第三中

七

沔 史遷逾作踰鄭康成曰或謂漢為沔 **疏** 經云浮于

即郭氏音義所云一名沔水者水經漾水注引劉澄之

說同又引庾仲邕言漢水自武遂川南入蔓葛谷越野

牛逕至關城合西漢水故諸言漢者多言西漢水至葭

萌入漢注又云漢水有二源始源曰沔又云東西兩川

俱受沔漢之名沔水注云沔水一名沮水庾仲雍云是

水南至關城合西漢水又東北合沮口同為漢水之源

也故如瀆曰此方人謂漢水為沔水案地理志武都郡

武都東漢水受氏道水一名沔志所云氏道水即漾水

也志于沮水云至河南入江不云沔然江即沔也故說

文以沮水為沔水葭萌今四川昭化縣郭氏庾氏所云

潛水通西漢者在是即經所謂浮潛入沔之水也或以

水經云漾水至葭萌縣東北與羌水合謂羌水出臨洮

一名白水即指為桓水水道則通但與班氏所說桓水

鄭氏所說桓氏之義俱不合鄭注見史記集解水經桓

水注云自西傾至葭萌入于西漢即鄭元之所謂潛水

者也自西漢迤流而屆於晉壽界阻漾枝津南歷岡穴

池灑而接漢書所謂浮入于渭亂于河 **疏** 沔不通渭故

潛而逾沔矣說見前疏 經桓水注云沔歷漢川至南鄭縣屬於褒水迤褒暨於

衙嶺之南谿水枝灌於斜川屆於武功而北達於渭水

此乃水陸之相闕川流之所經復不乖禹貢入渭之字

實符尚書亂河之義也是酈氏以斜水入渭褒水入沔

謂沔渭相通恐未必是禹迹也亂者釋水云正絕流也

水經渭水又東過華陰縣北東入於河注云春秋之渭

內也案華陰 **黑水西河惟雍州注** 鄭康成曰雍州界自

今陝西縣 **黑水而東至于西河** **疏** 釋地云河西曰雍州書疏引李

故云雍雍壅也釋名云雍州在四山之內雍翳也釋文

引太康地記云雍州兼得梁州之地西北之位陽所不

及陰氣雍闕故取名焉呂氏春秋有始覽云西方為雍

州秦也黑水或以為瀘江或以為滇池皆失之書疏引

水經云黑水出張掖雞山至敦煌過三危山南流入於

南海今水經缺此文此云南海及海皆即居延海之屬

在張掖之南者案張掖郡治樂得縣今甘肅甘州府城是也鄭注見公羊莊十年疏及史記索隱引地說云三危山黑水出其南者弱水既西注鄭元曰眾水皆東此似非張掖之黑水

獨西流故記其西下也弱一作溺疏丹桑欽以為弱水

自此西至酒泉合黎說文作溺水云溺水自張掖刪丹西至酒泉合黎餘波入于流沙桑欽所說又云岷山溺

水所出此岷山即雞山涇屬渭汭注馬融曰屬入也鄭

刪丹今甘肅山丹縣

康成曰涇水渭水發源皆幾二千里然而涇小渭大屬于渭而入于河地理志云涇水出今安定涇陽西并頭

山東南至京兆陽陵行千六百里入渭疏渭汭者說文

也鄭注召誥云汭隈曲中也此渭汭即今陝西高陵縣地馬注見釋文云屬入者鄭注士冠禮云屬注也注即

入也鄭注見詩谷風疏及史記集解云涇水渭水發源皆幾二千里者地理志隴西郡首陽渭水所出東至船司空入河過郡四行千八百七十里雍州寢過郡四者隴西天水右扶風左馮翊也地理志安定郡涇陽并頭山在西禹貢涇水所出東南至陽陵入渭過郡三行千六百里雍州川過郡三者安定右扶風左馮翊也案涇陽縣在今甘肅平涼府城西陽陵故城在今陝西高陵縣西南涇水在縣東入渭鄭云屬于渭而入于河者渭水至船司空入河在漆沮既從疏漆沮即澶水也說文今陝西華陰縣東北漆沮既從疏漆沮出北地直路西東入洛水地理志俱作沮水經云東過馮翊郡西北東入洛地理志北地郡直路沮水出西東入洛左馮翊懷德洛水東南入渭案漢直路縣在今陝西中部縣西北二百里懷德縣在今陝西富平縣西水經云渭水又東過華陰縣北注云洛水入焉闕駟以為漆沮之水也水經沮水注云沮水東注鄭渠濁水與沮水合俗謂之漆水又謂之為漆沮水絕白渠逕萬年縣故城北其水又南屈更名石川水又西南與白渠枝渠合又南入

於渭水也案今石川河至富平縣南入渭即此水是漆沮澮水洛水一也說文又有漆水出右扶風杜陵岐山東入渭一曰入洛即地理志在漆縣西之漆水詩縣所云自土沮漆者但經文于涇屬渭汭下云漆沮既從似以澮水從洛入渭為是若此漆入渭又在上流水經云漆水出杜陽縣南注之雍水東南流與橫水合水出杜陽山其水南流謂之杜陽川東南流左會漆水水出杜陽縣之漆谿謂之漆渠徐廣曰漆水出杜陽之岐山者也詩潛云猗與漆沮傳云漆沮岐周之二水也案此漆水在今陝西**澮水攸同**注澮一作酆攸一作道疏地理志岐山縣出東南北過上林苑入渭作酆水經渭水東過酆里縣東豐水從南來注之注云豐水出豐谿西北流分爲二水一水東北流爲枝津一水北逕靈臺西又北至石墩注於渭地說云渭水又東與豐水會於短陰山內水會無他高山異巒惟有原阜石激而已案今豐水在陝西咸陽縣東南入渭同者說文云合會也攸作適

見地理志荆岐既旅疏地理志左馮翊襄德禹貢北條荆山岐山在西北案襄德縣今陝西富平縣美陽今扶風縣也終南惇物至于烏鼠注鄭康成曰地理志終南惇物皆在右扶風武功也疏地理志右扶風武功太壹山古文以為終南岳山古文以為敦物案武功今陝西郿縣太壹山今名太白山在縣東南岳山今名武功山在縣東南俗呼敖山敖岳聲之轉今本地理志岳或誤作垂鳥鼠見後疏鄭注見史記集解

原隰底績至于豬野注鄭康成曰詩云度其隰原即此原隰是也原隰幽地從此致功西至豬野之澤也地理志都野在武威名曰休屠澤野一作埜疏釋地云下涇原又曰可食者曰原下者曰涇鄭注見書疏及史記集解云詩云度其隰原即此原隰者見詩公劉篇當是幽

書疏第三中

地今陝西邠州及三水縣是其處也鄭又引地理志者
漢志武威縣休屠澤在東北古文以為豬埜澤野作埜
即埜省文武威縣三危既宅注史遷宅作度鄭康成曰
今甘肅鎮番縣地

河圖及地說云三危山在鳥鼠西南與岐山相連當岷

山則在積石之東南

三危者禹貢山水澤地所在云

志云在沙州燉煌縣西南四十里春秋左氏昭九年傳
云允姓之姦居于瓜州注云允姓之祖與三苗俱放于
三危地理志燉煌郡引杜林以為古瓜州地則是燉煌
有三危山據古說也燉煌今甘肅燉煌縣鄭注見史記
集解及書疏引地說者書疏作地記書三危既不見于
地理志故鄭別引地說也太平御覽地部引河圖括地
象曰三危山在鳥鼠之西南與汶山相接即鄭所據也
郡國志隴西郡首陽縣注地道記曰有三危三苗所處
案首陽為今甘肅渭源縣則此三危與燉煌之三危非
一山也鄭又云當岷山則在積石之東南蓋班氏不記

後世失其名也水經江水又東過江陽縣南雒水從三
危山東道廣魏雜縣南東南注之注云山海經不言雒
水所導經曰三危山所未詳案此即地說所云與岷
山相連者雜縣今四川漢州也三危山疑在此近地
苗不敘注史遷不作大厥土惟黃壤厥田惟上上厥賦

中下厥貢惟球琳琅玕注史遷球作璆琳一作玲鄭康

成曰球美玉也琳美石也琅玕珠也注史遷球作璆者

或作璆琳釋文云字亦作玲說文云玲璆石之次玉者
故鄭以為美石也琅玕釋文云似珠者禹貢雖州球琳
琅玕古文作瑯鄭浮于積石至于龍門西河會于渭汭
注見詩韓奕疏

地理志金城郡河關積石山在西南羌中水經禹貢
山澤地所在同史記正義引括地志云積石山今
名小積石山在河州枹罕縣西北七十里案河關及枹罕皆
在今甘肅河州山在河州西北七十里也地理志馮翊

夏陽龍門山在北史記正義引括地志云龍門山在同州韓城縣北五十里李奇云禹鑿河水處廣八十步案夏陽今陝西韓城縣山在縣東北八十里西織皮昆侖河者史記正義案河在冀州西故云西河

析支渠搜西戎即敘注馬融曰崑侖在臨羌西析支在

河關西鄭康成曰衣皮之民居此崑崙析支渠搜三山

之野者皆西戎也別有昆侖之山非河所出者也搜一

作叟注崑崙俗字當為昆侖析支史記索隱引大戴禮

五帝本紀去西戎析支渠搜氏羌搜作廋俗字地理志

作叟是也西戎即序漢書西域傳贊引此云禹就而序

之非上威服致其貢物就者詩箋云即也馬注見釋文

云崑崙在臨羌西者戰國趙策蘇秦上書云此代馬胡

駒不東而崑崙山之玉不出也注後志金城臨羌有崑崙山

地理志金城郡臨羌西北至塞外有西王母石室石釜

有弱水昆侖山祠案臨羌在今甘肅西寧府西云析支

在河關西者應邵注漢武紀云禹貢析支渠搜屬雍州

在金城河關之西西戎也馬義同此鄭注見書疏云衣

皮之民以其織皮為衣以崑崙析支渠搜為三山者太

平御覽地部引崔鴻十六國春秋云酒泉太守馬岌上

言酒泉南山即昆侖之體也周穆王見西王母樂而忘

歸即在此山也山有石室王母堂珠璣鏤飾煥若神宮

是鄭意與馬說同析支亦為山者後漢書西羌傳云西

羌之本出自三苗羌姓之別也其國近南岳及舜流四

凶徙之三危河關之西南羌地是也濱於賜支至乎河

首縣地千里賜支者禹貢所謂析支者也水經河水又

西懷遠縣北番界中或因山名縣也云別有崑崙之山
非河所出者爾雅釋水云河出崑崙墟西山經云東望
渤澤河水之所潛也其源泡泡渾渾又云敦薨之水注
于渤澤出于崑崙之西北隅實惟河源水經云崑崙墟
在西北河水出其東北陬說文云崑崙從北一也人
居在崑崙南故从北中邦之居在崑崙東南虛大丘也崑
崙丘謂之崑崙虛是則崑崙山河所出者在中國之西
北而此崑崙在正西即周書王會解云正西崑崙等九
國孔氏晁注云九者西戎之別名故鄭不以爲河出之
山高誘注淮南云鍾山崑崙也是鍾山亦有崑崙之名
今陝西塞外陰山也後人于河源所出即名曰崑
崙又與河潛行南出之說合故不引爲經証

光緒歲在闕逢滄灘國子監肄業生吳縣朱記榮校刊

禹貢第三中終

禹貢第三下

虞夏書三

尚書今古文注疏卷二

賜進士及第授通奉大夫山東督糧道加三級孫星衍撰

導岍及岐注史遷作道九山岍及岐鄭康成曰地理志

岍在右扶風也

疏史公導作道者楊子法言道治也字與導通岍及岐上有九山二字蓋孔

安國古文也今文亦有之故漢人有三條之說馬鄭本

或無岍俗字當從史公爲岍釋水云岍出不流又云水

決之澤爲岍蓋山以水得名後人譌作岍也鄭注見史

記集解引地理志者漢志右扶風岍縣吳山古文以爲

岍山雍州山案岍縣今陝至于荆山注馬融曰三條導

西隴州山在州南七十里

岍北條西傾中條嶠冢南條鄭康成曰四列導岍爲陰
列西傾爲次陰列嶠冢爲次陽列岍山爲正陽列疏荆

即前云荆岐既旅之山在漢懷德縣故城在今陝西富平馬鄭注見書疏地理志云懷德禹貢北條荆山馬義所本逾于河注史遷逾作踰壺口雷首疏地理志河東

也蒲州府雷首山在府南至于太岳注史遷岳作嶽疏

河東縣霍太山稱太岳者因帝都冀州于此確功德

也白虎通云嶽之言嶽也嶽功也詩疏引鄭志集問

云周都豐鎬故以吳岳為西岳據此知西周以華岳為

中岳不數嵩高也左氏昭四年傳司馬侯云四岳三塗

陽城太室名嵩高為太室別於四岳之外是周時不以

嵩高為中岳知虞夏時亦然故當以霍太山為太岳也

砥柱析城至于王屋太行恒山至于碣石入于海疏砥

山名水經禹貢山水澤地所在云砥柱山在河東太陽

縣東河中地理志云河東郡濩澤禹貢析城山在西南

垣縣禹貢王屋山在東北案濩澤縣在今山西陽城山

在縣西南垣縣今山西垣曲山在今河南濟源縣西連

麓至山西垣曲也太行山名地理志河內郡山陽東太

行山在西北水經禹貢山水澤地所在云在野王縣西

北案山陽今河南修武縣山在縣西北野王今河南懷

慶府志云東太行山者錢氏玷云山陽縣在野王之東

也恒山地理志常山郡上曲陽恒山北谷在西北有祠

并州山禹貢恒水所出東入滹水經禹貢山水澤地所

在云恒山為北岳在常山上曲陽縣西北案上曲陽今

直隸曲陽縣山在縣西北祠內多有漢碑也古恒岳在

此碣石在今昌黎縣界見前冀州疏西傾朱圉鳥鼠至于

疑在今昌黎縣界見前冀州疏

太華注鄭康成曰地理志云朱圉在漢陽南太華山在

宏農華陰南地理志天水郡冀縣禹貢朱圉山在縣

山在西南南京兆郡華陰太華山在西南首陽今甘肅渭源

漢陽云太華山在宏農華陰者續志云宏農郡華陰故屬京兆鄭俱據後漢志言之熊耳外方桐柏至于陪尾注史遷陪作負鄭康成曰地理志熊耳在

盧氏東外方在潁川嵩高山桐柏山在南陽平氏東南

陪尾在江夏安陸東北若橫尾者疏地理志宏農郡盧

川郡密高縣武帝置以奉太室山是為中岳有太室少

室山廟古文以為外方山也南陽郡平氏縣禹貢桐柏

太復山在東南淮水出江夏郡安陸橫尾山在東北古

文以為陪尾山案盧氏今屬河南陝州熊耳山在東南

密高今登封縣中岳即外方山在縣北平氏今河南唐

縣桐柏山在桐柏縣西南安陸今湖北德安府陪尾山

在府治東北史公陪作負者史記導嶠冢至于荆山注

索隱云負音陪鄭注見史記集解導嶠冢至于荆山注

鄭康成曰地理志荆山在南郡臨沮疏地理志南郡臨

沮禹貢南條荆

山在東北案臨沮今湖北遠安縣荆

山在今南漳縣西鄭注見史記集解內方至于大別注

鄭康成曰地理志內方在竟陵名立章山大別在廬江

安豐縣疏地理志江夏郡竟陵章山在東古文以為內

陵故城在今湖北鍾祥縣南章山在今湖北荆門州南

安豐故城在今安徽霍山縣大別山在今湖北邱縣西南

元和郡縣志云魯山一名大別山在漢陽縣東北一百

步此蓋水經注所云古翼際山也唐人謂之大別誤矣

鄭注見史記集解以章山為立章山者續志江夏郡竟

陵有立章山本內方鄭據當時山名也又以大別在廬

江安豐者續漢志安豐改屬廬江書岷山之陽至于衡

疏云地理志無大別檢之不密也

山注史遷岷作汶疏地理志長沙國湘南禹貢衡山在

縣衡山在今湖南衡山縣西北通典引三禮義宗云唐

虞以衡山為南岳周氏以霍山為南嶽案崔靈恩說未

是也蓋古文尚書以衡山為南岳今文以霍山為南岳耳唐虞周氏恐互誤見堯典疏過九江至

于敷淺原注敷一作傅淺一作滅疏地理志豫章郡歷

在南古文以為傅淺原案歷陵今江西德安縣傳易山

在今縣南敷一作傅見史記及漢志史記集解引徐廣

曰淺一作滅疑傳易當注導弱水注鄭康成曰弱水出張

掖弱一作溺至于合黎注馬融曰合黎地名鄭康成曰

山名地說云合黎山在酒泉會水縣東北說文岷山也

所出案即張掖雞山地理志張掖郡刪丹桑欽以為道

弱水自此西至酒泉合黎水經再貢山水澤地所在云

合離山在酒泉會水縣西北案刪丹今甘肅山丹縣弱

水今名山丹河西北流與張掖河合亦曰羌谷水也會

水縣在今甘肅高臺縣西北鄭注弱水云云見史記集

解說本地理志及說文也馬注合黎地名見史記集解

鄭注山名見書疏引地說見史記索隱地理志酒泉會

水不載合黎山故馬以為地名鄭別引地說也地說者

即下地記桑氏欽餘波入于流沙注馬融曰流沙地名

許氏慎之說所本鄭康成曰地理志流沙居延縣西北名居延澤地記曰

弱水西流入合黎山餘波入于流沙通于南海注馬融

記集解王逸注楚詞云流沙沙流如水也故馬以為地

名鄭注見史記集解引地理志者漢志張掖郡居延縣

居延澤在東北古文以為流沙沙案居延縣在今甘肅甘

州府治東北一千五百里史記正義引括地志云龍門

山一名合黎一名窮石山在甘肅丹縣西南七里淮

南子云弱水源出窮石山又云合黎一名羌谷水一名

鮮水一名覆表水今副投河亦名張掖河南自吐谷

五百里合黎山在張掖縣西北二百里也云通于南海者淮南地形訓云弱水出自窮石至于合黎餘波入于流沙南至南海謂流沙迤南導黑水至于三危入于南

海注鄭康成曰地理志益州滇池有黑水祠而不記此

山水所在地記曰三危山在鳥鼠之西南而南當岷山

又在積石之西南當黑水祠黑水出其南脇今中國無

也疏黑水書疏引酈道元水經黑水出張掖雞山南流

引張掖記曰黑水出縣界雞山亦名元圃有城氏女簡

狄浴于元上之水即黑水也史記正義引括地志云黑

水源出伊吳縣北百二十里又南流二十里而絕三危

山在河州燉煌縣東南四十里案地理志有張掖郡又

有張掖縣屬武威水經所云張掖及張掖記皆指郡境

也即今甘州府治說文岷山瀾水所出即雞山黑水亦

出于此山丹縣西南窮石山即岷山也三危山在燉煌

即今甘肅敦煌縣黑水經此入南海經云南海者即居

延海之屬史記大宛傳索隱引太康地記云河北得水

為河塞外得水為海也故地理志羌谷水亦云北至武

威人海不謂大海也孔氏書疏以為越河入海張守節

以南海為揚州東大海謂黑水合從黃河而行河得人

于南海俱失之矣鄭氏亦謂中國無此河泥地說三危

在鳥鼠西南不用燉煌有三危之說也考地理志張掖

郡麟得羌谷水出羌中東北至居延入海其水逕甘州

府城東北與山丹河合又西北逕高臺縣東北又東北

流一千五百餘里入流沙匯為二澤東北為居延澤疑

羌谷水即水經注張掖記之所稱黑水也括地志所云

伊吾縣今為哈密出美瓜左傳所謂瓜州允姓之戎所

居正三苗所竄之三危故楚詞天問云黑水元趾三危

安在設詞以問天非竟不知其處也鄭注見史記集解

又見通典州郡篇及書疏云益州滇池有黑水祠者地

理志益州滇池有黑水祠鄭求黑水之入南海故及之

又以三危在鳥鼠之西南者漢書司馬相如傳注引張

揖曰三危山在鳥鼠山之西與岷山相近黑水出其南
陂引此經是與鄭說同也云疑中國無此水者甘肅之
黑水亦在塞外此黑水鄭亦導河積石注馬融曰北條
知絕遠不足當雍梁黑水矣注行河中條行渭洛濟淮南條行江漢注崑
者據禹所導言之且河自蒲昌海潛行地下至是始出
不溯其源聖人關所不見也漢書西域傳云蒲昌海一
名鹽澤去玉門陽關三百餘里廣袤三百里其水停居
冬夏不增減皆以爲潛行地南下出於積石爲中國河
云案鹽澤在今鎮西府關展巡檢司西南地理志云金
城郡河關積石山在西南羌中河水行塞外東北入塞
內至章武入海過郡十六行九千四百里案河關在今
甘肅河州西北山在州西北七十里河水過郡十六者
金城天水武威安定北地朔方五原雲中定襄雁門西
河上郡河東馮翊河南河內東郡平原千乘共十九郡
也後漢書段熲傳云羌寇隴西金城塞熲追之遂至河
首積石山出塞二千餘里此積石之見于史者水經禹

貢山水澤地所在云積石山在隴西河關縣南亦同史
說惟水經河水條云河水南至積石山下有石門又南
入蔥嶺山酈氏道元注云河自蒲昌海潛行地下南出
積石而經文在此似如不比積石宜在蒲昌海下矣唐
人疑積石有工以大積石在吐谷渾界小積石在河州
謂卽禹貢浮于積石至于龍門者見史記正義引括地
志恐誤認段熲傳至河首積石山出塞二千餘里之言
指一山以當積石猶後人尋得河源卽指一山以當昆
侖非古說也段熲傳云出塞二千餘里蓋言追羌至積
石又出塞二千餘里非積石在塞外二千餘里也馬氏
注見黃庶書說二卷道至于龍門南至于華陰東至于
砥柱注鄭康成曰地說河水東流貫砥柱觸闕流今世

斤謂砥柱者蓋乃闕流也砥柱當在西河未詳也疏水

禹貢山水澤地所在云砥柱在河東太陽縣東河中薛綜注
京賦云砥柱山名也在河東縣東南向居河中猶柱

然也案太陽縣在今山西平陸縣東北砥柱一名三門
在河南陝縣東北五十里鄭注見水經河水注以地說
貫砥柱當在西河者也地理志河東郡大陽縣南又東過砥柱
疑其在西河也水經河水東過大陽縣南又東過砥柱
間注引鄭氏說而去非是酈氏以三門為砥柱又東至于
柱五戶灘為闕流恐非西漢已前之說也
孟津 **注** 史遷孟作盟 **注** 孟津亦作盟津者孟盟聲相近
河南有鈞陳壘河水至斯有盟津之目又曰富平津又
謂之為陶河薛綜注東都賦云孟津四瀆之長引尚書
作盟津云地名在洛北都道所湊古今 **東過洛汭至于**
以為津案平縣在今河南孟津縣西北

大伾 **注** 史遷伾作陴一作坯鄭康成曰山一成曰伾地

喉也沈出伾際矣然則大伾在河內修武武德之界濟

沈之水與滎播水出入自此 **疏** 洛汭在今河南鞏縣水

經云河水又東過鞏縣

北洛水從縣西北流注之注云洛水於鞏縣東經洛汭
北對琅邪渚入于河謂之洛口矣案鞏故城在今河南
鞏縣西南三十里伾史公作邳書釋文云一作陴或作
陴者陴俗字陴即邳之譌字也說文作陴云丘再成再
當作一水經河水又東過成臯縣北注云河水又東逕
成臯大伾山下爾雅曰山一成謂之伾許慎呂忱等並
以為巨一成也孔安國以為再成曰伾亦或以為地名
非也又云成臯縣之故城在伾上案成臯故城今在河
南汜水縣西一里大伾山上則虎牢連麓大伾也漢書
集注臣瓚云今修武武德無此山也成臯縣山又不一
成也今黎陽縣山臨河豈是與案大伾在河南薛瓚求
之河北修武武德之界故無此山一成之山最卑瓚又
疑為高山故以成臯山不一成指黎陽大山當之云豈
是尚是疑詞隋地理志黎陽有大伾山遂承薛氏之誤
案即今河南濬縣東南二里黎陽山甚高不止一成
唐洪經綸刻石名為大伾俱不足據鄭注見溝洫志注
及水經河水注云山一成曰伾者見前疏云地喉者後
文引地說大陸為地腹此為地喉知亦本地說也云沈

出伍際者水經云濟水當鞏縣北南入於河與河合流
又東過成臯縣北又東過滎陽縣北又東至礫谿南東
出過滎澤北注云晉地道志曰濟自大伾入河與河水
關南決為滎澤故鄭云沘出伍際下又云濟沘之水與
滎播澤出入自此也云大伾在河內修武武德之界者
謂在修武之西武德之東以北岸山言之云在成臯南
岸也修武河南縣今屬懷慶府武
德縣故城在今河南武陟縣東
注史遷說為北載之高地過降水至于大陸鄭康成曰
地說云大河東北流過降水千里至大陸為地腹地理
志曰大陸在鉅鹿絳水在安平信都南如志之言鉅鹿
與信都相去不容此數也水土之名變易世失其處見
降水則以為絳水故依而廢讀或作絳字非也今河內

其北山淇水其水出焉東至魏郡黎陽入河近所謂降
水也降讀當如邲降於齊師之降聲轉為其蓋周時國
有地者惡言降故改云其耳今河所從去大陸遠矣館

陶北屯氏河其故道與**疏**固以為鉅鹿疑俱非也呂氏

春秋有始覽云晉之大陸注云魏獻子所居又云趙之
鉅鹿注云廣阿澤也則周秦已前人皆不以大陸為鉅
鹿左氏定元年傳魏獻子田于大陸焚焉還卒於甯注
云禹貢大陸在鉅鹿北嫌絕遠疑此田在汲郡吳澤荒
蕪之地水經淇水注引晉書地道記曰朝歌城本沫邑
也殷王武丁始遷居之為殷都也紂都在冀州大陸之
野即此矣則此大陸即魏獻子所田之處案修武今河
南縣與成臯接界是大陸在河南懷慶府境內去直隸
之鉅鹿絕遠水經濁漳水注為調停其說云自甯迄於
鉅鹿出於東北皆為大陸案釋地云高平曰陸大陸曰

阜尋大陸當是高平之士不合以鉅鹿澤當之河渠志云禹以為河所從來者高水湍悍難以行平地數為敗乃厥二渠以引其河北載之高地過降澤水至于大陸是史公以高地釋大陸亦不得以為鉅鹿澤也且據鄭氏以屯氏河為大河故道屯氏河不經鉅鹿澤也自大河屢徙故道不可復考姑存古說之在班氏前者以為經証史公說見上疏鄭注見水經濁漳水注鄭注云云者據地說駁班氏以絳水為禹貢降澤水之失也云如志之言大陸在鉅鹿者地理志鉅鹿郡鉅鹿禹貢大鹿澤在北信都國信都縣故章河故虢池皆在東北入海禹貢絳水亦入海案鉅鹿縣在今直隸平鄉境信都縣在今直隸冀州東北相去四百餘里不得如地說之言有千里故云不容此數也云河內北共山淇水出者地理志出河南其北山東入淇水所出東至黎陽入河說文淇水淇水故道在此入河漢志無其水疑即淇水以出其山亦名共水也云館陶北屯氏河其故道者地理志魏郡鄴縣故大河在東北入海館陶縣河水別出為屯氏河

東北至章武入海過郡四行于五百里水經河水注云河之故瀆白沙丘堰南分屯氏河出焉又云一水分大河故瀆北出為屯氏河逕館陶縣東東北出案館陶今山東縣屬東昌府衛河所經即隋之永濟渠漢之屯氏河也溝洫志去道河北行工渠復禹舊迹又云自塞宣房後河復北決於館陶分為屯氏河東北逕魏郡清河信都勃海入海是班氏以河故道在鄴東謂屯氏以為塞宣房後別出之河鄭則以屯氏為禹河故道與班說亦異也河至天津入海即漢章武地今濬縣滑縣開州內黃清豐南樂大名元城冠縣館陶堂邑清平清河博平高唐平原德州青縣靜海天津皆大河故瀆所經蓋自周時河徙至漢王莽時絕則今山東海豐入海之河俗稱老黃河衛河在其東北又北播為九河注鄭康成曰播散也同為逆河入于海注鄭康成曰下尾合名曰逆河言相逆受也疏又北者水經河水又東北過黎陽

縣南注云河水舊於白馬縣南決

通濮濟黃溝又云故瀆東逕白馬縣之涼城北又東南
逕濮陽縣散入濮水又云河水又東北為長壽津河之
故瀆出焉漢書溝洫志曰河之為中國害尤甚故導河
自積石歷龍門驪二渠以引一則濕川即今所流一則
北瀆玉莽時空故世俗名是瀆為王莽河也故瀆東北
逕城城西又逕繁陽縣故城東北逕陰安縣故城西又
東北逕昌樂縣故城東又東北逕平邑郭西又東北逕
元城縣故城西北而至沙丘堰堰者障水也尚書禹貢
曰北過降水不遵其道曰降亦曰潰至於大陸北播為
九河風俗通曰河播也昔禹治洪水播為九河自此始
也案禹河最不可考在沙丘堰已南之地故備載水經
注以證後人涼城今河南滑縣戚城今直隸開州繁陽
今河南內黃陰安今直隸清豐昌樂平邑皆今直隸南
樂縣元城今直隸大名府沙丘在府治北舊說河自此
分為九河也水經注引經北過絳水云不遵其道曰降
亦曰潰則是古文書說亦有不以降水為水名者與班
鄭俱異也逆一作迎者河渠書溝洫志皆作同為迎河
入于勃海地理志勃海郡莽曰迎河南皮縣莽曰迎河

亭初學記云逆迎也言海口有朝夕潮以迎河徐堅初
唐人疑亦引鄭說也以不明言鄭注故不附于經人海
者地理志金城郡言河至章武入海魏郡屯氏河亦言
章武入海章武屬勃海郡今直隸滄州薛贊則云禹貢
夾右碣石入于河則河入海乃在碣石元光三年河徙
從東郡更注勃海禹時不注勃海也水經注云河之入
海舊在碣石今川流所導非禹瀆也鄭注見詩般正義
及史記集解云播散者淮南要畧篇云禹剔河以道九
岐注云九岐河水播岐為九以入海也說文云播布也
案播聲相近布猶布散也云下尾合名曰逆河者勃海
郡及南皮王莽皆有迎河之名是本古說則鄭以禹河
入海在勃海勃海距碣石五百餘里鄭不以迎河在碣
石碣冢導漾東流為漢注史遷漾作瀆鄭康成曰地理
志漾水出隴西氐道至武都為漢至江夏謂之夏水漾

一作養

疏

史公漾作養者地理志作養說文漾古文作
漾養蓋省文鄭注見史記集解引地理志者

漢志隴西氏道禹貢養水所出東至武都為漢西縣禹貢嶓冢山在西漢水所出南入廣漢白水南郡華容夏水首受江東入沔行五百里常璩漢中志云漢源有二東源出武都氏道漾山因名漾西源出隴西嶓冢山會白水經葭萌入漢始源曰沔故曰漢沔案氏道在今甘肅上邦下辨北西縣在今甘肅秦州西華容在今湖北荊州府治東南去至武都為漢過江夏謂之夏水者地理志武都郡武都縣東漢水受氏道水一名沔過江夏謂之夏水水經沔水出武都沮縣東狼谷中注云沔水一名沮水又云沔水又東南逕沮水戍而東南流注漢曰沮口所謂沔漢者也引此文又云庾仲雍云是水南至關城合西漢水又東北合沮口同為漢水之源也又云漾水至漢中為漢水案沮縣在今陝西畧陽縣東南又水經夏水云夏水出江津於江陵縣東南東過華容縣南又東至江夏雲杜縣入于沔注云應劭十三州記曰江別入沔為夏水源夫夏之為名始於分江東竭夏流故納厥稱今按夏水是江流沔非沔人夏自堵口下沔水通兼夏目而合十江謂之夏沔也案雲杜縣

今在湖北天門縣西北水經注云漾水至漢中為漢水則漾水至陝西畧陽為漢至湖北天門縣為夏水也

又東為滄浪之水注鄭康成曰滄浪之水言今謂夏水

來同故世變名焉即漢河之別流也漁父謂曰滄浪之

水清兮可以濯吾纓是此水也疏鄭注見水經夏水注

同以滄浪為東水者水經夏水注引劉澄之永初山川記云夏水古文以為滄浪水漁父所歌也史記正義引

括地志云均州武當縣有滄浪水庾仲雍漢水記云武當縣西四十里漢水中有洲名滄浪洲也地記云水出

荆山東南流為滄浪過三澨至于大別注馬融曰三澨

水名也鄭康成同曰三澨在江夏竟陵之界疏水經禹

澤地所在云三澨地在南郡即縣之北沱說文澨埤增水邊土人所止者夏書曰過三澨水經注云服虔或謂之

邑或又謂之地京相璠杜預亦云水際及邊地名也惟
鄭元及劉澄之言在竟陵縣界經云即縣北沱然沱流
多矣論者疑焉而不能辨其所在即縣故城在今湖北
宜城縣東北竟陵今天門縣據說文為水邊土人所止
也非地名不必求其所在也馬注見水經山水澤地所
在注鄭注見史記集解史記索隱云今竟陵有三參水
俗云是三澁水參音去聲大別鄭于導山以為在安豐
此不注者亦必以在安豐漢志續漢志同京相璠亦曰
大別漢東名山在安豐縣南杜預漢志續漢志同京相璠亦曰
又不能言其所在然酈氏于水經決水出廬江雲婁縣
南大別山注云俗名為檀山岷蓋大別之異名也案雲
婁在安豐縣南不信漢所至之大別在安豐何也自元
和郡縣志始以漢陽江側之魯山當之唐已前無是說
也酈氏沔水注按地說言漢水東行觸大別之阪南與
江合則與尚書杜預相符但今不知所在矣據此知酈
氏亦不以魯山為大別或言漢水觸大別之阪阪者山
脉之靡迤不盡者南入于江疏水經沔水南入于江夏沙
耳非直至山下也

縣在今湖北嘉魚縣東北東匯澤為彭蠡東為北江入于海注鄭康

成曰匯回也漢與江關轉東成其澤矣疏鄭注見水經

回者一切經音義三引蒼頡云匯水回也廣雅釋詁云

匯大也足以增足鄭義成澤之說彭蠡見前經云東為

北江者水經沔水與江合流又東過彭蠡澤又東北出

居巢縣南又東過牛渚縣南又東至石城縣分為二其

一東北流其一又過毗陵縣北為北江注云經所謂石

城縣者即宣城郡之石城縣也牛渚在姑孰烏江兩縣

界中於石城東北減五百許里安得逕牛渚而方岷山

屈石城也蓋經之謬誤也北江入海見前三江疏岷山

導江東別為沱注史遷岷作汶一作嵒一作嶠疏地理

都郡沔氏道禹貢嶧山在西徼外江水所出東南至江
都入海過郡七行二千六百六十里說文云嵒山在蜀
岷氏西徼外江水出蜀岷氏徼外嶧山入海則嶧岷即
嵒省字也楚詞作汶地理志汶江縣亦作汶借字也案

書政第...
渝氏道今四川茂州東北地山在今龍安府松潘同知
城北邊外江水出山之羊膊嶺有二源過郡七者蜀郡
犍為巴郡長沙江夏廣陵也東別為沱者地理志成都
郡郫縣禹貢江沱在西東入大江汶江縣江沱在蜀郡
入海水經禹貢山水澤地所在云益州沱水在蜀郡汶
江縣西南其一在郫縣西南皆還入江案郫今四川縣
屬成都府沱即郫江自四川灌縣西南分江至瀘州復
合者汶江縣今為茂州驗無此水保縣東南有玉輪江
疑是沱故瀆水經江水注云江水歷氏道縣北又逕汶
江道又東別為沱開明之所鑿也開明七國時人當因
禹迹鑿深之酈氏以此為江沱然不自又東至于澧注
江出故鄭欲以酈水當之也詳見前疏

史遷澧作醴馬融曰澧水名鄭康成曰醴陵名也大阜
曰陵長沙有醴陵縣其以陵為名乎此經自導弱水已
下其過言會者皆是水名言至于者或山或澤皆非水

名疏
馬注見史記集解云水名者水經澧水東至長沙
下雋縣西北東入于江注云澧水流注於洞庭湖
又水經云江水又東至長沙下雋縣北澧水沅水資水
合東流注之案澧水注湘由湘達江在今洞庭湖北故
馬氏以為水名也鄭注見史記集解及書疏云大阜曰
醴者爾雅釋地云長沙有醴陵縣者郡國志長沙郡
有醴陵蓋後漢分地理志臨湘縣之南境所置臨
湘今湖南長沙府治下雋今在湖北通城縣西過九
江至于東陵
地理志盧江金蘭西北有東陵鄉水經
禹貢山水澤地所在云東陵在盧江金
蘭縣西北水經注江又西北逕雋縣江又東右
得蘭溪水口又東左得青林口江水左傍青林湖水出
廬江郡之東陵鄉江夏有西陵縣故是言東矣尚書云
江水過九江至於東陵者也西南流積為湖湖上有
青杜山案下雋在今湖北興國州東南水積為湖湖上
灌水導源廬江金蘭縣西北東陵鄉大蘇山錢氏曰
大蘇山即東陵在東迤北會于匯注
馬融曰逸靡也鄭
今河南固始縣南

書疏第...
三

康成曰東迤者為南江迤一作地疏說文云地衺行也

文云迤靡者鄭司農注考工記迤讀為倚移從風之移

東迤者為南江者地理志丹陽郡石城分江水東至餘

姚入海會稽郡吳縣南江在東南入海水經沔水注沔

水東至石城縣出逕吳國南為江北流注云地理志曰江

水自石城東出逕吳國南為江北流注云地理志曰江

貴口東逕石城縣北又東逕宣城之臨城縣南又東逕

安吳縣又東逕寧國縣南又東逕故鄣縣南安吉縣北

又東北為長瀆歷湖口南江東注於具區謂之五湖口

據此則鄭以會于匯為入于具區也迤一作地見地理

志及東為中江入于海疏中江水今絕流導沅水東流

為濟入于河溢為滎注史遷溢為泆鄭康成曰地理志

沅水出河東東垣王屋山東至河內武德入河泆為滎

濟一作沔溢一作軼疏史公溢為泆者鄭注周禮引經

滿也廣雅釋詁云出也義相同泆者說文云水所蕩泆

也莊子釋文泆本或作溢是溢泆本通字作軼者文選

西都賦注引三蒼云從後出前也亦滿出之義鄭注見

史記集解引地理志者漢志河東東垣縣王屋山在東

北沅水所出東南至武德入河軼出滎陽北地中又東

至琅槐入海過郡九行十八百四十里水經云濟水出

河東垣縣東王屋山為沅水又東至溫縣西北為濟水

又云又南當鞏縣北入於河與河合流又東過成臯縣

北又東過滎陽縣北又東至礫谿南東出過滎澤北注

云濟水過定陶縣南又屈從縣北流注云南濟也又東
北合荷水水北承濟水於濟陽縣東世謂之五丈溝又
東逕陶丘北墨子以為釜丘也尚書所謂道荷又東至
水自陶丘北謂此也案陶丘在今山東定陶縣又東
于荷疏水經濟水東至乘氏縣西分爲二其一水東南
南流者過乘氏縣南又東過方與縣北爲荷水案又東
乘氏縣今山東曹州府治方與縣今山東魚臺縣又東
北會于汶疏水經濟水至乘氏縣西分爲二其一水從
界安民亭南汶水從東來注之注云戴延之所謂清口
也郭緣生述征記曰清河首受洪水北注濟或謂清即
濟也禹貢濟東北會於汶今枯渠注鉅澤北則清口清
水與汶會也桑欽曰汶水出泰山萊蕪縣西南入濟是
也案壽張故城在今山東東平州西又北東入于海注
南去縣五十里有安山鎮即安民亭又北東入于海注
史遷北東作東北疏合汶之濟入河一水東南流合荷
之濟入淮此云入海謂入汶之濟

也水經云濟水又東過甲下邑入於河注云濟水東北
至甲下邑南東歷琅槐縣故城北山海經曰濟水絕鉅
野注勃海入齊琅槐東北者也又東北河水枝津注之
水經以爲入河非也斯乃河水注濟非濟入河又東北
入海郭景純曰濟自滎陽至樂安博昌入海今河竭濟
水仍流不絕經言入河二說並失然河水於濟濕之北
別流注海今所輟流者惟濕水耳郭或以爲濟注之即
實非也尋經脈水不如山經之爲密矣案濟水即今小
清河也北逕山東利津縣城東又東北入于海地理志
過郡九者濟水從武德已下過河內河南陳留濟陰山
陽太山濟南齊于乘也其入淮之注導淮自桐柏注鄭康
流或在溝通注淮之後非禹迹與

成曰凡言導者發源于上未成流凡言自者亦發源于
上未成流疏地理志南陽郡平氏禹貢桐柏大復山在
行三千二百四十里水經云淮水出南陽平氏縣胎簪
山東北過桐柏山注云淮水與醴水同源俱導西流爲

禮東流為淮潛流地下三十許里東出桐柏大復山南
謂之陽口水南即復陽縣也元帝元延二年置在桐柏
大復山之陽故曰復陽也案平氏故城在今河南桐柏
縣西北鄭注見書疏云言自者發源於上未成流蓋以
淮伏流地下東會于泗沂疏水經淮水又東至下邳淮
道而通之也疏陰縣西泗水從西北來流
注之注云淮泗之會即角城也左右兩川翼夾二水決
入之所所謂泗口也案角城故城在今江南清河縣西
今江南經沂水又南過下邳縣西南入於泗案下邳東入
于海疏臨淮郡淮浦游水北入海水經淮水注云淮水
於縣分北為游水游水東北逕紀鄆故城南杜預曰紀
鄆二地名東海贛榆縣東北有故紀城即此城也游水
東北入海案贛榆今江南縣屬導渭自鳥鼠同穴注鄭
海州淮浦故城在安東縣西也

康成曰鳥鼠之山有鳥焉與鼠飛行而處之又有止而

同穴之山焉是二山也鳥名為餘似鷓而黃黑色鼠如

家鼠而短尾穿地而共處鼠內而鳥外疏地理志隴西

鳥鼠同穴山在西南渭水所出東至船司空入河過郡

四行平八百七十里雍州浸水經云渭水出隴西首陽

縣渭谷亭南鳥鼠山注云渭水出首陽縣首陽山渭首

亭南谷山在鳥鼠山西北縣北有金城嶺嶺上有城號

渭源城渭水出焉三源合注東北流逕首陽縣西與別

源合水南出鳥鼠山渭水谷尚書所謂渭出鳥鼠者也

地說曰鳥鼠山同穴之枝榦也渭水出其中東北過同
穴枝間既言其過明非一山也案首陽今甘肅渭源縣
山在縣西二十里鄭注見水經禹貢山水澤地所在注
鄭亦以鳥鼠之山與同穴之山為二者鄭信地說見上
疏說文去渭水出隴西首陽渭谷亭南谷東入河杜林
說夏書以為出鳥鼠山鄭氏尚書本于杜林杜氏單名
鳥鼠是析同穴而別言之云鳥名為餘者釋鳥云鳥鼠
同穴其鳥為餘其鼠為餘書疏引李巡云餘餘鳥鼠之

名其處一穴天性也郭氏璞注與鄭畧同云穴入地三四尺宋書云沙州甘谷嶺有雀鼠同穴或在山巔或在平地雀色白鼠色黃地生黃紫花草便有雀鼠穴皆足增足鄭義鄭云似鷄者釋鳥云鷄鳩寇雉一切經音義引爾雅注云今鷄大如鴿亦言如鷄似鷄雉鼠脚無後指岐尾為鳥懸急羣飛出北方沙漠地肉美俗名突厥雀生蒿萊之間較郭注東會于澧又東會于涇又東過文多疑孫李舊注也

漆沮 經云東會于澧云云見前雍州涇屬渭入于河

渭水 在今陝西華陰縣北入河地理志言過郡四者隴西天水右扶風左馮翊也船司空在今陝西華陰

導洛自熊耳 洛一作雒 地理志宏農郡上雒

東北至鞏入河過郡二行千七百七百里豫州川熊耳獲輿山在東北水經云洛水出京兆上洛縣謹舉山注引山海經曰出上洛西山又曰謹舉之山洛水出焉案上雒縣今陝西商州水出商州洛南縣西豕領山東南流逕

盧氏縣南謹舉即獲輿之異名也 東北會于澗澗又東

會于伊 水經云澗水出新安縣南白石山東南入於洛澗水東過偃師縣又東入于洛案水經洛水不言合于澗澗惟云東過洛陽縣南伊又東北入于水從西來注之者周時開渠失禹故迹也

河 在今河南鞏縣西南二十里地理志云過郡二者宏農河 九州攸同注攸一作適 禮運云是謂大同注南也

四隩旣宅 注史遷隩作奧一作壘 說文云隩作適見 四隩旣宅注

地理志 四隩旣宅注 史遷隩作奧一作壘 說文云隩居也文選西都賦注引說文居作定居宅者釋言云居也周語云宅居九隩注云隩內也九州之內皆可宅居也

九山刊旅 注刊一作棊 疏 周語云封崇九山注云言

數澤刊作棊 九川滌源 疏 河渠書云九川旣疏滌滌同見地理志

見地理志

書疏第三下

七

條當為滌漢書集注云條達也滌源者謂疏達其水原也史公云疏者說文云滌洒也洒與灑聲相近河渠書云乃斯二渠以引其河索隱曰斯漢書作灑史記舊本亦作灑韋昭云疏決為灑是灑與洒皆疏決也川者鄭注周禮川衡去流水也引此文源俗字說九澤既陂九澤謂九州之澤周語陂障九澤注云障防也河渠書云九澤既灑灑義見上疏澤者鄭注周禮澤虞云水所鍾也引此文陂者說文四海會同疏注云使同軌也云阪也阪一曰澤障

六府孔修注史遷孔作甚疏春秋左氏文七年傳云水者高誘注淮南子云治也史庶士交正底慎財賦注史公孔作甚者爾雅釋言文

遷庶作衆底作致鄭康成曰衆土美惡及高下得其正矣亦致其貢篚慎奉其財物之稅皆法定制而入之也

疏鄭注見史記集解咸則三壤成賦注鄭康成曰三壤上中下

各三等也疏則者釋詁云法也中邦錫土姓祗台德先

不距朕行注史遷邦作國鄭康成曰中卽九州也天子

建其國諸侯祚之土賜之姓命之氏其敬悅天子之德

既先又不距違我天子政教所行疏史遷邦作國者非

字率改爲邦誤矣鄭注見史記集解云中卽九州者周

禮大行人職云九州之外謂之蕃服是中邦在九州之

內也云天子建其國諸侯之土云者春秋左氏隱

八年傳衆仲曰天子建國因生以賜姓胙之土而命之

氏是也白虎通姓名篇引刑德放日堯知命表稷契賜

樂也台與怡聲相近悅即樂也云距遠者廣雅釋言五云距困也周語注云距去也故鄭以距為距違也

百里甸服注史遷說為令天子之國以外五百里甸服

注里者穀梁宣十五年傳去古者三百步為里韓詩外傳云廣三步長三百步為一里王制云天子之甸方

千里注云象日月之大亦取晷同也又云千里之內曰甸服注云服治田出穀稅也周語云夫先王之制五百

里甸服注云甸王田也服服其職業也白虎通京師篇云法日月之徑千里然則云五百里者去王城外各

五百里也故史公說為令天子之國以外國者鄭注曲禮云城中也

百里賦納總二百里注馬融曰桔去其穎注馬注見釋

納銍三百里納桔服注馬融曰桔去其穎注馬注見釋

四百里粟五百里米注鄭康成曰甸服者堯制賦其田使人穀禹弼其外百里者賦入總謂入刈禾也二百里

銍銍斷去藁也三百里桔桔又去穎也四百里入粟五

百里入米者遠彌輕也甸服之制本是納總禹為之差

使百里從之耳注史公去令天子之國五百里甸服百

里下二百里至五百里皆為去王城之數也偽傳以百

里賦納總為甸服內之百里近王城者書疏云司馬遷

與孔意同是也王制疏引五經異義云今尚書歐陽夏

侯說中國方五千里古尚書說五服有五千相萬

里太平御覽六百廿六引孫武曰夫帝王處四海之內

居五千里之中焉能盡專其利是以分建諸侯以其利

而利之使食其土之毛實役其人民之力故賦稅無轉徙之勞徭役無怨曠之歎矣歐陽及孫子說皆同史公

疏引作謂所刈禾說文總聚束也史記索隱引說文作聚束草誤多一字總是聚禾束則并稾秸納之云銓斷去稾者禮器疏引作謂刈穗也說文銓穫禾短鎌也稾稈也故知經言銓是斷稾之名去稈留穗故云刈穗也云秸又去穎者禮器疏引作禾去其實惟稾秸也說文云稽禾稾去其皮玉篇作秣云秸同上則秸是稽俗字云去穎者說文云穎禾末也案禾去其穎所輕無幾鄭說蓋用詩傳云穎垂穎也言斷去其稾惟留穎于穗納之許君以銓為穫禾連稾者稽為禾稾去皮者鄭氏以禾連稾則為總與納總無差以銓為去稾惟留其莖又以桔為去莖惟留其穗也入粟入米遠彌輕者論衡量知篇云穀米春烝曰粟說文云粟嘉穀實也米粟實也米質比粟更輕也云甸服之制本是納總者鄭以甸服之彌在五百里外猶使百里納總則甸服之內自皆納總矣

五百里侯服注史遷說為甸服外五百里侯服百里

采注馬融曰采事也各受王事者二百里男邦

史遷

男邦作任國三百里諸侯疏馬注見史記集解云采事大戴禮本命篇云男者任也男子者任天地之道案男任聲相近經典多通

五百里綏服注

史遷說為侯服外五百里綏服三百里揆文教二百里

奮武衛疏綏者釋詁云安也揆者釋言云度也衛者周弼當衛之衛服義取藩衛鄭云綏服于周為采服其服是也

五百里要服注史遷說為綏服外五百里要服

疏周書王會云方千里之外為比服方二千里之內為要服方三千里之內為荒服注云此服名因於殷非周制也史公說要服去甸服一千五百里荒服去甸服五百里要服在方三千里之內荒服在方五千里之內也

三百里夷注馬融曰夷易也二百里蔡

馬融曰蔡

法也受王者刑法而已鄭康成曰蔡之言殺滅殺其賦

疏馬注夷易也見釋文史記五帝本紀以堯典厥民夷

作其民夷易是夷即易也馬注蔡法也云云見史記

集解云蔡法者漢書宣帝紀云骨肉之親祭而不殊北

堂書抄親戚封部引作祭然不殊如淳曰祭或作散殊

或作誅也祭即蔡左傳所云蔡蔡叔也言置之干法不

令殊死顏氏師古以祭為明非也馬義同此謂在中國

之外但奉王法不其賦役也鄭注見書疏以蔡為殺者

周禮廩人詔王殺邦用注云殺猶滅也廣雅釋詁云殺

滅也蔡聲近殺春秋左氏昭元年傳蔡蔡叔釋文引說

文作蔡故為滅殺也周禮大行人職侯服以至要服各

有朝貢之歲是夷服之貢滅殺于中

國貢所以當賦故云滅殺其賦也

五百里荒服

遷說為要服外五百里荒服馬融曰政教荒忽因其故

俗而治之

疏馬注見史記集解韋昭注周語戎狄荒服

云與戎狄同俗故謂之荒荒荒忽無常之

言也義

與馬同

三百里蠻二百里流

注今尚書歐陽夏侯說中

國方五千里古尚書說五服旁五千里相距萬里馬融

曰蠻慢也禮簡怠慢來不距去不禁流行無城郭常居

甸服之外每百里為差所納總銓秭粟米者是甸服之

外特為此數其侯服之外每言三百二百里者還就其

服之內別為名耳非是服外更有其地也甸服之外五

百里至城千里其侯綏要荒服各五百里是面三千里

相距為方六千里鄭康成曰蠻者聽從其俗羈縻其人

耳故云蠻蠻之言緝也每言五百里一服是堯舊服每

服之外更言三百里二百里者是禹所弼之殘數也堯

耳故云蠻蠻之言緝也每言五百里一服是堯舊服每

服之外更言三百里二百里者是禹所弼之殘數也堯

之五服服五百里耳禹平水土之後每服更以五百里
 輔之是五服服別千里故一面而為差至於五千也堯
 之時土廣五千里禹弼成五服土廣萬里甸服比周為
 王畿其弼當侯服在千里之內侯服為甸服其弼當男
 服在二千里之內綏服於周為采服其弼當衛服在三
 千里之內要服於周為蠻服其弼當夷服在四千里之
 內荒服於周為鎮服其弼當蕃服在五千里之內疏尚今
 書歐陽夏侯說及古尚書說見王制疏引五經異義御
 覽六百廿六引孫武曰夫帝王處四海之內居五千里
 之中焉能盡專其利是以分建諸侯以其利而利之使
 食其土之毛實役其人民之賦故稅無轉徙之勞徭役

無怨曠之歎矣此與今文書說同也漢書王莽傳注服
 虔曰唐虞及周要服之內方七千里夏殷方三千里漢
 地南北萬三千里也馬注見史記集解又見詩殷武疏
 及書疏云蠻慢者王制疏引風俗通云君臣同川而浴
 極為簡慢蠻者慢也義與馬同云流行無城郭常居者
 王制云千里之外曰采曰流鄭注云流謂夷狄流移或
 貢或不引此經為証云甸服之外每百里為差者馬氏
 以百里納總至二百里三千里俱在甸服之內餘服又與
 說又異史公則以為在王城之外甸服之內餘服又與
 史公說同故馬以為面三千里相距為方六千里也云
 其侯服之外每言二百二百里者還就其服之內別為
 名耳非是服外更有其地者馬義皆同史公書疏云賈
 逵馬融以為甸服之外百里至五百里米特有此數是
 也賈馬鄭說以甸服之內自皆納總不當有納鉅納粘
 之差故不從史公之說亦或本之歐陽夏侯也鄭注見
 書疏又見詩殷武及天作疏齊譜疏云蠻之言緝者鄭
 注周禮大司馬職云蠻者縻也縻緝皆聲近蠻也云每
 服之外更言三百里二百里是禹所弼之殘數者謂此

百里納總至五百里米之殘數不在甸服正數之內是禹所輔廣堯封五服皆然則堯之五千里至禹廣為萬里矣鄭云土廣萬里者同占尚書說詩殷武疏辨王肅之非鄭云傳稱禹會諸侯于塗山執玉帛者萬國執玉帛者惟中國耳若要服之內唯正四十率以下等計之正容六千餘國況諸侯之大地方百里三等分土纔容數千安得有萬國之言乎其辨甚當案禹貢山川皆在漢時郡縣之內漢地廣萬里則知禹時五服亦然不得謂鄭說異于今文之非也云甸服比周為王畿其弼當侯服云云者文見周禮夏官職方氏詳載臯陶謨弼成五服疏此東漸于海西被于流沙朔南暨聲教訖于四不復出

海注

鄭康成曰朔北方也南北不言所至容踰之暨一

作泉

漸者漢書集注去入也被者廣雅釋詁云加也

詰云暨與也訖者說文作泉云與也漢地理志作泉爾雅釋文志引經作迄迄俗字漢書賈捐之傳云以三聖之德

地方不過數千里西被流沙東漸于海朔南暨聲教迄于四海欲與聲教則治之不欲與者不疆治也漢紀引作北盡朔裔南暨聲教欲豫聲教者則治之不欲豫者不疆治也是亦訓暨為與也與讀為豫四海者爾雅釋地云九夷八狄七戎六蠻謂之四海鄭注禹錫元圭告見史記集解及書疏云朔北方者釋訓文禹錫元圭告厥成功注史遷說為帝乃錫禹元圭告成功于天下疏禹錫言禹受賜圭者說文云瑞玉也上圓下方公執桓圭九寸侯執信圭伯執躬圭皆七寸子執穀璧男執蒲璧皆五寸以封諸侯从重土古文作珪雜記又云博三寸厚半寸刻上左右各寸半玉也藻三采六等史公以為帝錫禹者言舜賜禹元圭以酬庸也大平御覽皇王部引尚書旋機鈴曰禹開龍門道積石山元圭出刻曰延喜王受德天錫佩漢武梁祠堂石刻祥瑞圖云元圭水泉疏通四海會同則至則以元圭為天錫瑞應此今文說也

光緒甲申小春
月白堤八字橋
孫谿槐廬家塾

光緒歲在闕逢涒灘國子監肄業生吳縣朱記榮校刊

禹貢第三下終

甘誓第四

虞夏書四

尚書今古文注疏卷四

賜進士及第授通奉大夫山東督糧道加三級孫星衍撰

疏書序云啓作甘誓史記夏本紀云有扈氏不服啓伐

鬼篇作禹誓引此文莊子內篇人間世云禹攻有扈國

爲虛厲呂氏春秋先已篇云夏后相與有扈戰於甘澤

而不勝六卿請復之案相當爲柏字又召類篇云禹攻

曹魏屈鷺有扈以行其教則所云柏者謂伯禹也楚詞

天問云伯禹釀鯀說苑正理篇云昔禹與有扈氏戰三

陳而不服禹於是修教一年而有扈氏請服凡此諸書
或與孔子同時皆未見書序而以甘誓爲禹事當必本
古文書說也莊子既云國爲虛厲則有扈滅於禹時不
應啓復伐之惟淮南齊俗訓云昔有扈氏爲義而亡注
云有扈夏啓之庶兄也以堯舜舉賢禹獨與子故伐啓
啓亡之不知高誘所據何書又與禹伐有扈違異至書
序以爲啓作者因此篇序在禹貢後故定爲啓事耳亦

書疏第四

不必以書序
廢古說也

大戰于甘注大傳說戰者憚警之也馬融曰甘有扈南

郊地名甘水名今在鄂縣西鄭康成曰天子之兵故曰

大注大傳說見白虎通誅伐篇云戰者何謂也尚書大

六卿申之是未戰也未戰稱大戰者謂天子親征之師

故大傳以戰為憚警之不以為鬪也馬注見史記集解

及釋文云甘有扈南郊地名又云水名者呂氏春秋先

已篇云戰于甘澤水經注云渭水東逕槐里縣故城南

渭水又東合甘水出南山甘谷北逕秦文王葭陽宮

西又北逕五柞宮東又北逕甘亭西在水東鄂縣昔夏

啓伐有扈作誓於是亭甘水又東得澇水口澇水北注

甘水而亂流入於渭即上林故地也與馬注合在今陝

西鄂縣鄭注見書疏云天子之兵故曰乃召六卿注史

大者白虎通三軍篇說為天子自出也

遷說乃召六卿申之鄭康成曰六卿者六軍之將周禮

六軍皆命卿則三代同矣注墨子明鬼篇云王乃命左

公說為申之者史記孫子列傳云約束不明申令不熟

將之罪也既已明而不如法者吏士之罪也六軍吏士

多必告六卿使申令也鄭注周禮大司馬云天子六軍

三三而居一偏賈誼新書云紂將與武王戰紂陳其卒

左臆在臆是天子親征王為中軍六卿左右之也鄭注

見詩棫樸疏及曲禮疏云六卿六軍之將者詩小雅瞻

彼洛矣以作木師傳云天子六軍疏云一卿將一軍周

禮司馬政官之屬凡制軍萬有二千五百人為軍王六

軍大國三軍次國二軍小國一軍軍將皆命卿注云言

軍將皆命卿則凡軍帥不特置選于六官六卿之吏自

卿以下德任者使兼官焉魯語云天子作師公帥之以

征不德注云師謂六軍之眾也公謂諸侯為王卿士者

也周禮將軍皆命卿曲禮疏又引鄭注大傳夏書云所

同者夏時六卿即王曰嗟六事之人注鄭康成曰變六謂六卿后稷等也

卿言六事之人者言軍吏已下及士卒也疏嗟當為詹此省文釋

詰云嗟谷蹇也蹇亦俗字鄭注見書疏云言軍吏下及士卒者周禮司馬政官之屬二千有五百人為師師帥

皆中大夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆

有長一軍則二府六史胥十人子誓告汝注史遷汝作徒百人此周制或夏殷已然也

女馬融曰軍旅曰誓會同曰詰鄭康成曰誓戒要之以

刑重失禮也注誓者曲禮云約信曰誓注云誓禮亡誓

誓收誓費誓秦誓也馬注見釋文云軍旅曰誓者軍旅者周禮小司徒云五人為伍五伍為兩四兩為卒五卒

為旅五旅為師五師為軍以起軍旅注云兩二十五人卒百人旅五百人師二千五百人軍萬二千五百人也

誓如湯誓大誓等也云會同曰詰者會同諸侯以伐國若大詰等事也大誓諸侯咸會武王乃作大誓告於眾庶不言詰者不期而會非武王有扈氏注馬融曰姒姓

詰諸侯以伐商也鄭注見書疏有扈氏注馬融曰姒姓之國為無道者鄭康成曰有扈與夏同姓疏地理志右

國有扈谷亭扈夏啓所伐說文鄂右扶風縣名扈夏后同姓所封戰于甘者在鄂有扈谷甘亭古文作岢史記

正義引訓纂云戶扈鄂三字一也古今字不同耳又引地理志扈谷亭作戶亭馬注見釋文云姒姓之國者周

語帝嘉禹德賜姓曰姒氏曰有夏謂其能以嘉社殷富生物也注云堯賜禹姓曰姒姒猶社也楚語觀射父曰

堯有丹朱舜有商均夏有觀扈周有管蔡是觀及有扈皆夏同姓高誘注呂氏春秋先已篇云有扈夏同姓諸

侯鄭注威侮五行怠棄三正注大傳說正色三而復者見書疏

也二正之相承若順連環也王者一質一文據天地

書流第四

三

之道馬融曰建子建丑建寅三正也鄭康成曰五行四

時盛德所行之政也威侮暴逆之三正天地人之正道

疏威者老子民不畏威注云害也後漢杜詩傳威侮二

立五行起消息洪範九疇一五行者史記歷書云黃帝建

木四日金五日土文子微明篇引中黃子曰水二日火三日

地有五行人有五位五行大義第五引詩緯等說云木

神則仁金神則義火神則禮水神則信土神則智又引

毛公傳及京房等說皆以土為信水為智五常配五行

虐慢五行則是無五常也威侮謂虐用而輕視之怠者

釋言云懈怠也怠亦為懈棄者釋言云忘也三正在夏

殷周已前則公羊疏引鄭注堯典云高陽氏之後用赤

繪高辛氏之後用黑繪其餘諸侯皆用白繪宋均注禮

含文嘉云三帛謂朱白蒼象三正宋書禮志云三而復

者正色也二而復者文質也以前檢後謂軒轅高辛夏

后氏漢皆以十三月為正少昊有唐有殷皆以十二月

為正高陽有虞有周皆以十一月為正又通典引尚書

中候亦有其事據此則夏以前有三正懈廢之謂不奉

正朔也大傳說見白虎通三正篇云正朔有三何本天

有三統謂三微之月也禮三正記曰正朔三而改文質

再而復也十一月之時陽氣始養根株黃泉之下萬物

皆赤赤者盛陽之氣也故周為天正色尚赤也十二月

之時萬物始牙而白白者陰氣故殷為地正色尚白也

十三月之時萬物始達乎甲而出皆黑人得加功故夏

為人正色尚黑書微子疏引大傳云周人以日至為正

殷人以日至為正夏人以日至為正

正略說云夏至後三十日為朔殷以雞鳴為朔周以夜半為

朔已上注引大傳及此引略說據孔氏廣林集大傳本

案以平日為朔者平日值寅時雞鳴值丑時夜半值子

時然則夏殷周分日各異不皆以子時分日也馬注見

釋文亦同大傳說鄭注見史記集解以為天地人之正

道者據繫辭陰陽柔剛仁義為說以夏已前三正經無

明文故不天用勦絕其命注勦一作剝正命勦者說文云

從大傳也

書流清四

四

聲相近淮南地形訓云食穀者智慧而天千金方引黃帝問伯高對曰食穀者則有智而勞神是勞即大也白虎通壽命篇云隨命者隨行為命若言怠棄三正天用勦絕其命矣勦說文作剝云絕也引此文廣雅釋言云剝天也言其廢指五常人道天用天絕其命說文用剝則孔壁古文也漢書外戚傳云命櫟絕而不長假音字高誘注淮南云搔勞也今予惟恭行天之罰注史遷惟作維墨翟書作有日日中今予與有扈氏爭一日之命且爾卿大夫庶人子非爾田野葆士之欲也予其行天之罰也史遷恭為其一作龔疏史公惟作維者凡尚書墨翟書見明鬼篇引禹誓云有日月中今予與有扈氏爭一日之命云云十字墨子所見古文書與今本異或脫簡或孔子所刪也云日中與有扈氏爭一日之命者與傳記所載義異呂氏春秋先已篇云夏后相與有

扈戰於甘澤而不勝六卿請復之夏后相曰不可吾地不淺吾民不寡戰而不勝是吾德薄而教不善也於是乎處不重席食不貳味琴瑟不張鐘鼓不修子女不飾親親長尊賢使能期年而有扈氏服說苑亦云修教一年而有扈請服則不當如墨子所引與有扈氏爭一日之命也云田野葆士者葆同保鄭注月令云小城曰保俗作堡言不貪其土地人民其作恭與史記同高誘注呂氏春秋作龔漢書文選多引作龔說文龔慤也龔給也此恭行天罰當作龔慤謹也言謹行天罰白虎通三軍篇云命子惟恭行天之罰此言開自出伐有扈也左不攻于左汝不恭命右不攻于右汝不恭命御非其

馬之政汝不恭命注史遷恭命俱作其命正作政鄭康

成日左車左右車右汝一作若疏攻者釋詁云善也恭

文云龔給也給亦具也義與共通史公作其者釋詁云共具也正作政者墨子亦云御非爾馬之政詩出車箋

云御夫則茲益惟悴憂其馬之政亦用此文是古文作
政也鄭注見史記集解云左車左右車右者此左右三
人共乘一車謂士卒之車魯頌閟宮箋云兵車之法左
人持弓右人持矛中人御是也汝墨子作若者鄭注考
工記云若若猶女也莊子齊物論用命賞于祖弗用命戮
注云若而皆汝也俱假音字

于社子則孥戮汝注史遷弗作不戮作孥作祭一作

奴說均也修于社者何也言聽獄之事也又云賞于

祖者何也告分之均也修于社者何也告聽之中也祖

者廟主社者社主太平御覽三百六引孥虞決疑要注

曰古者帝王出征伐以齊車載遷廟之主及社主以行

故尚書甘誓曰用命賞于祖不用命戮于社秦漢及魏

行不載主也路史疏佐紀有虞引尚書大傳云古者巡

守以遷廟之主行出以幣帛皮圭告于祖遂奉以載于

齊車每舍奠焉然後就舍反必告奠卒斂幣王藏之兩

階之間蓋貴命也說本曾子問社主亦在軍者周禮大

司馬之職恤孥主及軍器注云主謂遷廟之主及社主

在軍者也凡師既受甲迎主于廟及社主祝奉以從殺

牲以血塗主及軍器皆神之然則出載主與孥主是古

禮也奴者漢書注李奇曰男女徒總名為奴戮者廣雅

釋詁云辱也周禮司厲其奴男子入于罪隸女子入于

春臺注鄭司農云今之奴婢古之罪人也故書曰子則

奴戮汝論語曰箕子為之奴罪隸之奴也漢書季布樂

布傳贊云奴僇苟活是亦以奴僇為奴辱也鄭注周禮

說文以帑爲金幣所藏字

光緒甲申小春
月白堤八字橋
孫谿槐廬家塾

光緒歲在閏逢涒灘國子監肄業生吳縣朱記榮校刊

甘誓第四終

湯誓第五 商書一

尚書今古文注疏卷五

賜進士及第授通奉大夫山東督糧道加三級孫星衍撰

注鄭康成曰契始封商遂以商爲天下之號商國在太

華之陽帝湯者告民伐桀之詞百篇之書湯誓前有

共七篇爲傳誤以汝鳩汝方一篇爲二失之今唯湯征

篇存于殷本紀餘篇俱亡則湯誓爲商書第一篇也鄭

注見書疏云契始封商湯遂以商爲天下之號鄭元之

說亦然又見殷本紀集解引鄭元云商國在太華之陽

殷本紀云殷契在太華之陽者史記正義引括地志云商

州東八十里商洛縣本商邑古之商國帝嚳之子禹所
封也然則契始封在今陝西商州左傳襄九年疏引服
虔云相土居商丘故湯以爲天下號與鄭異者案春秋
左氏襄九年傳土弱曰陶唐氏之火正闕伯居商丘相

書疏第五

土因之則商是闕伯所居非契所封之商殷本紀云
自契至成湯八遷蓋自相土遷居於此此商丘在今河
南歸德府為縣名左傳疏引釋例云宋商商丘二名一
地梁國雖陽縣也或以為漳水之南故殷虛為商丘非
也據此則與鄭所稱商國在大華之陽者相去甚遠服
說失之湯既以商為有天下之號後又稱殷者商頌譜
疏云成湯之初以商為號及盤庚遷于殷以後或呼為
殷故書序云盤庚五遷將治亳殷注云商家改號為殷
元鳥云殷受命咸宜殷武云推彼殷武是其兼稱殷也
雖或稱殷不是全改商號故大明云殷商之旅蕩云杏
汝殷商皆取先後二號而雙言之不全改也襄九年疏
又云如鄭元意契居上洛之商至相土而遷于宋之商
及湯有天下遠取契所封商以為一代大號說此注最
明湯名履殷本紀云契卒子昭明立昭明卒子相土立
相土卒子昌若立昌若卒子曹圉立曹圉卒子冥立冥
卒子振立振卒子微立微卒子報丁立報丁卒子報乙
立報乙卒子報丙立報丙卒子主壬立主壬卒子主癸
立主癸卒子天乙立是為成湯集解引張晏曰禹湯皆

字也二王去唐虞之文從高陽之質故夏殷之王皆以
名為號諡法曰除虐去殘曰湯索隱云稱天乙者譙周
云夏殷之禮生稱王死稱廟主皆以帝名配之天亦帝
也殷人尊湯故曰天乙從契至湯十四代故國語曰元
王勤商十四代與元王契也湯都有二說一在今河南
偃師漢書地理志云河南郡偃師尸鄉殷湯所都史記
正義引括地志云亳邑故城在洛州偃師縣西十四里
本帝醫之墟商湯之都也一在今山東曹縣詩元鳥疏
引漢書音義曰臣瓚案湯居亳今濟陰薄縣是也今薄
有湯冢已氏有伊尹冢皆相近疏又引皇甫謐以穀熟
為南亳即湯都也蒙為北亳即景亳是湯所受命也偃
師為西亳即盤庚所徙者也與班氏及鄭說不合謚言
不足為據也

王曰 此將伐桀而稱王者殷本紀載此誓下云於是
是湯收號在伐桀之前 格爾眾庶悉聽朕言 史遷格

作來爾作女

疏

史記殷本紀載此文云湯曰格女眾庶

者蓋以訓格爾也格來釋

非台

小子敢行稱亂史遷

言文悉者釋詰云盡也

疏

台者釋詰云我也稱

非作匪稱作舉馬融曰台我也

疏

者釋言云僂舉也說

文再再舉也稱與再僂聲相近故史公以稱

有夏多罪

為舉馬氏以台為我也馬注見史記集解

天命殛之

注

史遷有夏多罪下作子維聞女眾言夏氏

有罪予畏上帝不敢不正今夏多罪天命殛之

疏

經文

聞女眾言已下四句在舍我穡事而割政夏之後今夏

多罪

一句經文所無史公次在此與經文異者或古文

如是殛者釋

今爾有眾汝曰我后不恤我眾舍我穡事

言云誅也

而割正夏

注

史遷爾作女后作君穡作嗇正作政無夏

字

疏

后者釋詰云君也我后謂桀也恤者釋詰云憂也

廣雅釋言云害割也正與政通言舍我穡事而為害民

之政者桀時重斂民無蓋藏也下文言率割夏邑史記

割作奪多方言桀割夏邑是言其害政也史公后為

君用釋詰文穡為嗇說文嗇愛濇也田夫謂之嗇夫古

文作番方言云嗇積也儀禮特牲饋食禮主人寫嗇于

房注云嗇者農力之成功政言政令無夏字者段氏玉

裁云偽傳云正政也言奪民農功而為割割之政疏云

皆無夏字後人子惟聞汝眾言夏氏有罪子畏上帝不

敢不正

注

史遷惟作維自子維至不正在今夏多罪天

命殛之

疏

云夏氏者周語稱禹有平水之功皇天

夏雖為有天下之號實即氏也言女眾俱言夏氏有罪

氏玉裁云天命殛之今女有眾女曰我君不恤我眾舍
我嗇事而割政共廿二字子惟聞女眾言夏氏有罪子
畏上帝不敢不正今夏多罪共廿二字適與尚書先後
倒易以漢書攷之尚書每簡或廿二字或廿五字此則
伏生壁藏之簡甲乙互異之故也劉歆移書太常博士
曰得此逸禮逸書曰考學官所傳經或脫簡傳或間編
湯誓正問今汝其曰夏罪其如台注史遷夏罪作有罪
編之一證

如台作奈何

注

史公夏罪為有罪者今文異字如台為

音之轉一切經音義八引蒼頡篇云奚何也台聲近奚

故為何班固典引云作者七十有四人今其如台獨闕

也謂如何而不封禪夏王率遏眾力率割夏邑有眾率

怠弗協注

史遷遏作止割作奪協作和馬融曰遏止也

眾民相率怠懂不和同

注

此三率字借為聿聿者文選江賦注引薛君韓詩章句云

辭也聿蓋欣假借字馬氏以率怠之率為相率亦失之
夏邑者白虎通京師篇云或曰夏曰夏邑殷曰商邑周
曰京師尚書曰率割夏邑謂桀也怠者釋言云懈怠也
民不得收斂則怠於耕作弗協者言多怨言史公邈為
止者釋言其收斂協為和者釋言說文協眾之同和
異字言奪其收斂協為和者釋言說文協眾之同和
也馬注見注曰時日曷喪予及汝皆亡注史遷時作是曷
史記集解

喪作何時喪及作與鄭康成曰桀見民欲叛乃自比于

日日是日何嘗喪乎日亡我與汝亦皆喪亡引不亡之

徵以脅恐下民也

注

史公時為是者釋言文曷為何者

書疏云桀自比于日云云者尚書大傳云伊尹入告于

桀曰大命之亡有日矣桀曰天之有日猶吾之有民也

日有亡哉日亡吾亦亡矣鄭注云自比于天言常在也
比于日言去復來也又見新序刺奢篇及韓詩外傳今

本大傳脫日有亡哉一句据史記集解增之孟子梁惠
王篇引湯誓曷為害說之云民欲與之偕亡注云時是
也日乙卯日也害大也言桀為無道百姓皆欲與湯共
伐之湯臨士眾誓言是日桀當大喪亡我與汝俱往亡
之與鄭說異者鄭用大傳今文說孟子蓋古文說也夏德若茲今朕必往爾尙輔
子一人致天之罰注史遷輔作及疏茲者釋詁云此也
又云彌輔也予一人者謙也欲言已材能當一人耳論語
人王者自謂一人者謙也欲言已材能當一人耳論語
曰百姓有過在子一人史公輔子其大賚汝注史遷賚
作及者今古文異字非詰也疏史公賚為理者理與釐通玉
作理鄭康成曰賚賜也疏篇引蒼頡釐賜也書序帝釐
下土方馬注云釐賜也理也鄭注爾無不信朕不食言
見史記集解云賚賜者釋詁文爾無不信朕不食言
注史遷作女母不信疏食者釋詁爾不從誓言予則孥

戮汝罔有攸赦注史遷爾作女孥作帑戮作繆罔作無

鄭康成曰大罪不止其身又孥戮其子孫周禮云其奴

男子入于罪隸女子入于春梟孥俗字當從史記作

辱也鄭司農說罔禮謂厲甚是見日誓疏漢書季布樂

布傳贊云奴繆苟活謂奴隸繆辱之也說文云男有臯

曰奴奴曰童也女曰妾古無從坐之法漢法因暴秦之

舊未能盡除鄭用漢法說經失之罔有攸赦者軍法無

赦令非常法也常刑則有赦史記秦始皇本紀二十六

年於是急法久者不赦是不赦者亦秦法也史公孥為

帑者說文無孥字有帑云金幣所藏左傳秦人歸其帑
詩樂爾妻帑皆作帑戮為繆者繆假借字表記云則刑
戮之民也釋文亦作繆罔為無者釋言文鄭注見書疏
云大罪不止其身又孥戮其子孫者蓋謂叛軍之法故
云大罪然古之用刑父子兄弟罪不相及史記商君傳
孝公以衛鞅為左庶長卒定變法之令令民為什伍而

相收司連坐事未利及怠而貧者舉以為收孥索隱云
收錄其妻子沒為官奴婢蓋其法特又重於古制也然
則鄭云奴戮其子孫又注周禮司厲以為奴從坐而沒
入縣官者皆暴秦商君之法至漢除之未盡不足為經
也証

光緒甲申小春
月白堤八字橋
孫谿槐廬家塾

光緒歲在閏逢涪灘國子監肄業生吳縣朱記榮校刊

湯誓第五終

盤庚第六

商書二

尚書今古文注疏卷六

賜進士及第授通奉大夫山東督糧道加三級孫星衍撰

注

史遷說帝盤庚崩弟小辛立是為帝小辛帝小辛立

殷復衰百姓思盤庚迺作盤庚三篇馬融曰盤庚祖乙

曾孫祖丁之子不言盤庚詰何非但錄其誥也取其徙

而立功故以盤庚名篇鄭康成曰盤庚湯十世孫祖乙

之曾孫以五遷繼湯篇次祖乙故繼之于上累之祖乙

為湯元孫七世也又加祖乙復其祖父通盤庚故十世

祖乙居耿後奢侈踰禮土地迫近山川嘗圯焉至陽甲

立盤庚為之臣乃謀徙居湯舊都上篇是盤庚為臣時

事下篇盤庚為君時事疏盤庚為第六者百篇之書湯

生二十九篇中堯典疏云鄭元則於伏生二十九篇之

丙分出盤庚三篇則知今文盤庚為一篇也今仍為一

篇史公說見殷本紀云此盤庚三篇是小辛時百姓所

作者言小辛時民思盤庚追紀盤庚遷居申戒羣臣之

事此孔安國故與馬鄭異也魏志董卓傳注引華嶠漢

書曰司徒楊彪曰昔盤庚五遷殷民胥怨故作三篇以

曉天下之民而海內安穩則謂盤庚自作也馬注見釋

文云不言盤庚誥何者春秋左氏哀十一年傳引此篇

云盤庚之誥經不言誥直以盤庚名篇者書疏云桓六

年左傳云周人以諱事神殷時質未諱君名故以王名

名篇也上仲丁祖乙亦是王名馬以為取其徙而立功

是也鄭注俱見書疏云盤庚為湯十世孫者考殷本紀

湯太子太丁未立而卒太丁弟外丙弟仲王太丁

子太甲太甲子沃丁沃丁弟太庚太庚子小甲小甲弟

雍已雍己弟太戊太戊子仲丁仲丁弟外壬外壬弟河

宜甲河宜甲子祖乙祖乙子祖辛祖辛弟沃甲沃甲兄

子祖丁沃甲子南庚祖丁子陽甲陽甲弟盤庚相繼立

者凡十八世不數兄弟相及之外丙中壬太庚雍己小

甲太戊外壬河宜甲沃甲南庚則盤庚在祖乙後祖乙為

孫也云篇次祖乙者書序之次盤庚在祖乙後祖乙為

湯七世孫亦不數兄弟相及盤庚則祖乙曾孫也故云

書疏第六

疏

元

則

為

一

篇

也

今

仍

為

一

篇

也

今

仍

為

一

篇

也

今

仍

為

又云王若曰是為臣時所稱也

盤庚遷于般

注

盤一作般

疏

盤熹平石經作般漢書楊雄傳般庚所遷亦作般遷

者廣雅釋詁云徙也言將徙於般

民不適有居

疏

適者一切經音義引三蒼云悅也言民不

悅新

率籲眾感出矢言

注

感一作戚

疏

率者借為聿辭也本字作吹說

文云詮詞也籲者說文云呼也引此經感作戚蓋謂貴戚近臣矢者釋詁云陳也言呼眾近臣聽其陳言又矢

言或是正言廣雅釋詁云矢正也史記般本紀云盤庚乃告諭諸侯大臣曰鄭注周禮云盤庚將遷于般詰其

世臣卿大夫道其先祖之善曰我王來既爰宅于茲重功是知眾戚為貴戚近臣也

我民無盡劉不能胥匡以生卜稽曰其如台

疏

我王謂祖乙爰

者釋詁云於也宅于茲謂居于耿重我民者言以重違民情劉者釋詁云殺也言我民若為水所害是我殺之

所謂思天下有溺由已溺之毋令其盡見于水也胥者釋詁云相也匡者杜氏注左傳匡救其災云匡亦救也

藉者廣雅釋言云考也考卜先王有服恪謹天命茲猶者周禮太卜國大遷則貞龜

不常寧不常厥邑于今五邦

注

馬融曰五邦謂商丘亳

囂相耿也鄭康成曰湯自商徙亳數商亳囂相耿為五

疏釋詁云服事也恪敬也寧安也邑邦者說文皆云國也言先王有事敬謹順天此猶不敢常安其邑往來

遷居凡有五國般本紀云湯始居亳從先王居正義引括地志云亳邑故城在洛州偃師縣西十四里本帝嚳

之墟商湯之都也又云帝仲丁遷于傲索隱云傲亦作囂並音敖字正義曰括地志云滎陽故城在鄭州滎澤

縣西南十七里殷時放地也書疏引李駟云囂在陳留

凌儀縣則在今開封府西北般本紀又云河亶甲居相正義曰括地志云故殷城在相州內黃縣東南十三里即河亶甲所築都之故名殷城也又云祖乙遷于邢正

義曰括地志云絳州龍門縣東南十二里耿城故耿國也毫在今河南偃師縣在今河南滎陽縣相在今河南內黃縣耿在今山西河津縣并湯前所都商丘今河南商丘縣共為五邦也馬注見釋文鄭注見書疏

不承于古因知天之斷命承者詩傳云繼也天之斷命言天命絕于此邑將承

其命于新邑當繼古人遷都之事矧曰其克從先王之烈矧俗字當

云矧况也克能也釋詁云烈業也若顛木之有由蘖馬融曰顛木而

肄生日枿天其永我命于茲新邑紹復先王之大業厥

綏四方顛者廣雅釋言云倒也由說文作𣎵云木生條也引此經作𣎵枿云古文言由枿蘖說文

作檝云伐木餘也引此經或作蘖云古文作木梓亦古文釋詁云永長也紹繼也底待也綏安也言我遷于殷

如仆木之更生枝條是天將引長我命于此邑繼復先王之大業待安四方馬注見釋文云肄生者詩傳云肄

餘也斬而復生日肄枿者釋詁云餘也方言般庚敷于云枿餘也陳鄭之間曰枿秦晉之間曰肄

民由乃在位以常舊服正法度注史遷說為告諭諸侯

大臣又說為法則可修曰枿或敢伏小人之攸箴注馬

融曰箴諫也鄭康成曰奢侈之俗小民咸苦之欲言于

王今將屬民而詢焉故敕以無伏之王命眾悉至于廷

疏教者說文云覺悟也在位謂有位諸臣由在位以曉諭眾民周禮小司寇掌外朝之政以政萬民而詢焉

是也以者說文云用也舊服謂故事法度法則也說文云度法制也正謂修正之史公說見殷本紀云般庚乃

告諭諸侯大臣曰昔高后成湯與爾之先祖俱定天下法則可修即約此文伏者廣雅釋詁云藏也悉者釋詁

云盡也廷者朝中也命眾至于廷則民箴無敢伏矣馬注見釋文云箴諫者周語召公諫厲王云師箴百工諫

庶人傳語注云箴刺王闕鄭注見書疏云屬民而詢者周禮鄉大夫職云國大詢于眾庶則各帥其鄉之眾寡而致之朝小司寇職云一日詢國遷是遷國必詢眾庶也故云屬民而詢也屬聚詢謀也云敕以無伏之者說文云敕王若曰疏則王即盤庚也鄭氏云上篇是盤庚為臣時事則此格汝眾予告汝疏予告汝當斷句訓王謂陽甲也

汝猷疏釋云訓道也道即導又云猷黜乃心無傲從道也訓汝猷者言導汝以道也

康疏廣雅釋詁云黜去也傲慢從安之心下交云汝克黜方心知黜乃心

乃心疏古我先后亦惟圖任舊人其政疏圖者釋詁云謀為何

詰云使也舊人王播告之疏播一作譖疏播者廣雅釋久于其位者

文作譖云敷也商書曰修不匿厥指疏修者王逸注楚王譖告之則當斷句

廣雅釋詁云隱也指者釋言云示也說文有惰字云意也惰亦同旨言王為敷告之言行之甚遠無隱其意旨者

王用丕欽罔有逸言民用丕變疏欽者釋詁云敬也變讀如論語齊一變魯一變之變廣雅釋詁云移變敷也變即移易言王敬其令無有過言民從其令用是變化二丕疏今汝聒聒疏馬融曰聒聒拒善自用之意鄭康成曰聒讀如聒耳之聒聒聒難告之貌疏聒說文作𦉰意也引此經重文作鑄云古文从耳此聒字即鑄省也善疑當作拒善說文脫一字馬注見書疏云拒善自用者孟子云苟不好善則將日詭詭子既已知之矣詭詭之聲音顏色距人于千里之外是拒善之意鄭注見書疏云讀如聒耳之聒者一切經音義廿一引蒼頡篇云聒擾亂耳孔也杜預注左傳云聒謹語也為謹語以拒人言故起信險膚予弗知乃所訟疏起者高誘注呂氏云難告

書疏第六

五

廣雅釋詁云表也說文有儉云諛也險聲近儉膚者廣雅釋詁云傳也訟者說文云爭也言羣臣謹言拒善而與信邪險膚傳之語或膚浮也即非予自荒茲德惟汝下浮言我不知其所爭辨何事

含德注史遷說舍而弗勉何以成德疏荒者賈誼新書道術篇云以已

量人謂之恕反恕為荒詩箋云荒廢亂也言非我廢前人德汝自舍其德而弗勉也史公約此文云舍而弗勉則當不惕予一人注惕一作施疏惕者爾雅郭注引為舍德不惕予一人注惕一作施疏惕者爾雅郭注引

言汝不悅從我也白虎通號篇云天下之大四海之內所共者十人耳故尚書曰不施予一人即引此文也詩

釋文六引韓詩曰施善也施蓋惕之緩讀善義亦近悅也釋言云夷悅也惕與施皆聲近夷予若觀

火予亦拙謀作乃逸注拙一作焘疏觀讀當為燿周禮予若觀火之觀今燕俗名湯熱為觀則鄭以此觀火為

燿火也說文云焘火光也商書曰予亦拙謀讀若巧拙

之拙類篇引說文作火不光也今本說文脫一字言我如燿火之不用其光謂無赫赫之威也謀作乃逸逸首

高誘注呂氏春秋云安也作者釋言云為也言謀為汝安居耳說文謀字屬上句莊氏述祖云當讀謀作乃逸

若網在綱有條而不紊若農服田力耜乃亦有秋疏者綱

說文云維紘繩也詩棫樸云綱紀四方箋云以綱罔喻為政張之為綱理之為紀疏引說文云綱網紘也約詞

紊者說文云亂也引此經說文云農耕也良治也服與良通畜者詩傳云斂之曰畜言汝當從我教令若網之

有綱綱舉而紀不亂若農之治田用力畜事乃有秋收漢書成帝紀詔云書不云乎服田力畜乃亦有秋注應

邵曰農夫服田厲其力乃有秋收也汝克黜乃心施實德于民至于婚

友丕乃敢大言汝有積德疏去其傲慢從康之心施實

惠于眾民至于婚姻僚友乃可大言汝有積德時諸臣

之不欲遷居者方自謂有積德于民于婚友皆虛言也

書疏第六

六

乃不畏戎毒于遠邇

疏

戎者釋言云相也毒者廣雅釋

惡于

遠近 惰農自安不昏作勞不服田畝越其罔有黍稷

疏

惰者廣雅釋詁云懶也

鄭康成曰昏讀為散散勉也

疏

昏者釋詁云強也服者

說文云長治也服與反通畝說文云六尺為步步百為畝越者釋詁云專於也越聲近粵釋文云越本一作粵罔者釋言云無也黍者說文云禾屬而黏者也以大暑而種故謂之黍黍之屬際也稗也稷者說文云齋也齋或作粢漢人謂之嘉穀亦謂之粟即今俗云小米也言汝畏遷居如惰農之圖安不強力作為勞苦之事田畝不治無有收穫也鄭注見魏志注及書疏云昏讀為散者說文有散字云疆也以散為冒此借字云散勉者薛綜注西京賦云昏勉也玉篇云敗勉也是散散字之正俗 女不和吉言于百姓惟汝自生毒乃敗禍姦宄以自災于厥身乃既先惡于民乃

奉其恫汝悔身何及

注

身一作命

疏

和者釋詁云諧和

也毒者說文云候毒也或作嫉是嫉為毒也敗者方言云露敗也敗亦為露姦宄者魯語里革曰竊寶者為軌用軌之財者為姦言以致敗禍發露其姦宄之行災者釋詁云裁危也裁同災奉者說文云承也恫者釋言云痛也言汝不以善言和諭百官惟汝自生嫉惡以致敗露姦宄之行危及其身既導民以惡乃自承其禍痛悔之無及矣熹平 相時儉民 **注** 馬融曰相視也儉利小小石經身作命

見事之人也儉一作憊一作散

疏

釋詁云相視也時是

利於上佞人也說文又作憊云疾利口也引此經熹平石經儉作散案說文儉與憊義相近蓋古文作儉孔壁古文作憊今文作散也馬注見釋文云儉利小小見事之人者廣雅釋詁云籤利也方言云纖小也儉音與籤纖相近故馬氏 猶胥顧于箴言其發有逸口矧予制乃以利及小釋之

短長之命

疏言視此利口少見事之人尚猶相顧于

之命令而可輕發乎命者鄭注汝曷弗告朕而胥動以

禮記主謂政令也是命即令也

浮言恐沈于眾

疏曷者釋言云盍也廣雅釋詁云何也

文沈者莊子釋文引司馬注云深也說

君制令汝不稟承而相動以虛言恐眾惑之深左傳引

下文有云惡之易也恐惡眾易字形相

似或古文作惡之易三字未敢定之

不可嚮邇其猶可撲滅

疏嚮一作鄉

長惡不悛從自及也雖欲救之其將能乎商書曰惡之

易也如火之燎于原不可鄉邇其猶可撲滅注云言惡

易長如火焚原野不可鄉邇言不可撲滅莊十二年傳

引云商書所謂惡之易也亦作鄉字案今經本無惡之

易也鄉作嚮俗字當為則惟汝眾自作弗靖

鄉燎者說文云放火也

馬融曰

靖安也

疏靖者藝文類聚八十七引韓詩曰靖善也堯

作靖言是靖與善同義言汝自作不善即上文所云先

惡于民也馬注見釋文云靖安者靖與靜通故廣雅釋

詁云安靜也

非予有咎遲任有言曰

注馬融曰遲任古

義與安通

老成人鄭康成曰遲任古之賢史

疏馬注見釋文人惟

求舊器非求舊惟新

注人惟求舊一無求字下求一作

救

疏言人惟求舊者明上文言先王圖任舊人用器舊

則更新喻國邑也毀當遷新邑也人惟求舊熹平

石經作人惟舊器非救舊求作救者周禮大司徒之職

云正日景以求地中注云故書求為救杜子春云當為

求堯典堯求說文引

為苟救是求救通也

古我先王暨乃祖乃父胥及逸勤

予敢動用非罰

注敢一作不敢

疏釋詁云暨及與也勤

勞也先王謂湯殷本

紀云盤庚乃告諭諸侯大臣曰昔我高后成湯與爾之先祖俱定天下即約此文言相與共勞逸我不敢輒用非罰也非罰謂罰之不當者敢世選爾勞予不掩爾善詩文王疏引五經異義作不敢

茲予大高子先王爾祖其從與高之注大傳說古者諸

侯始受封則有采地百里諸侯以三十里七十里諸侯

以二十里五十里諸侯以十五里其後子孫雖有罪黜

其采地不黜使其子孫賢者守之世世以祠其始受封

之人此之謂興滅國繼絕世書曰茲子大高于先王爾

祖其從與高之此之謂也鄭康成曰大高謂烝嘗也掩

一作絕又作弁選者漢書注孟康云數也勞者周禮司勳職云事功曰勞不絕其善者即

大傳所云諸侯子孫采地不黜也大高謂禘祭于明堂曲禮云大饗不問卜注云祭五帝於明堂禮器云大饗腥注云大饗祫祭先王也疏引鄭注論語云禘祭之禮自血腥始禮器又云大饗其王事與下言諸侯之貢諸侯之賓是大饗即禘祭也商頌長發大禘之詩云受小諸侯助祭公羊文二年傳何休注云禘所以異于禘者功臣皆祭也案經云大高即禮記大饗也云爾祖其從與高之知為禘也大傳說見路史國名紀四鄭注見周禮司勳疏云大高謂烝嘗者王制云天子諸侯宗廟之祭春曰禘夏曰禘秋曰嘗冬曰烝注云此蓋夏殷之祭名周則收之春曰禘夏曰禘秋曰禘祭統云凡祭有四時春祭曰禘夏祭曰禘秋祭曰禘祭統云凡祭謂夏殷時禮也祭統又云禘禘祭曰嘗冬祭曰烝注云者陽之盛也嘗者陰之盛也故曰莫重於禘嘗案此則大高當是禘嘗而鄭以為烝嘗者周禮司勳云凡有功者銘書於王之常祭於大烝司勳詔之注云生則書于王旂以識其人與其功也死則于烝先王祭之詔謂

告其神以祠也般庚告于卿大夫曰茲子大高于先王
 爾祖其從與高之是也書疏之釋鄭注云知烝嘗有功
 臣與祭者以周禮此文嘗是烝之類故以嘗配之又云
 秋冬之祭尚及功臣則禘祫可知又釋大高云若烝嘗
 對禘祫則禘祫為大烝嘗為小若四時自相對則烝嘗
 為大禘祫則禘祫為小是鄭注雖舉烝嘗為大高亦未嘗不兼
 禘祫也爾雅禘為大祭凡祭之大於餘祭者皆得為禘
 故冬至祭昊天上帝于圓丘夏正祭感生帝于南郊及
 宗廟五年一祭皆為禘左傳云烝嘗禘于廟是烝嘗亦
 得名禘也掩詩又王疏引五經異義用此文作絕釋文
 云掩又作福作災乎亦不敢動用非德疏言汝之福災
 亦不敢動用非罰此言不敢動用非德者祭統云古者
 於禘也發爵賜服順陽義也於嘗也出田邑發秋政順
 陰義也非德謂發爵賜服之不當者予告汝于難若射之有志
 鄭康成曰我告汝于我心至難矣夫射者張弓屬矢而志在所

射必中然後發之為政之道亦如是也以已心度之可
 施于彼然後出之

疏 志字古作識論語子張篇賢者識其大者不賢者識其小者熹平石

經作志是古文識今文作志也鄭注周禮保章氏云志
 古文識疑說文為識重文今脫之志者儀禮既夕記云
 志矢一乘注云志猶擬也書云若射之有志是志者擬
 也廣雅釋詁云志識也春秋左氏定八年傳云顏息射
 人中眉退曰吾志其目也言為政之難不可輕發鄭注
 見書疏云張弓屬矢者屬緩讀則為注杜注左傳云注
 傳矢也

汝無老侮成人無弱孤有幼

注 鄭康成曰老弱皆

輕忽之意也老一作翁弱一作流

疏 侮者廣雅釋詁云

正義本作侮老据唐開成石經更正鄭注見書疏以老
 弱為輕忽之意者漢書趙充國傳云上老之臧氏鏞曰
 左傳宋華閱率華臣弱臯比之室杜注云弱侵易之是
 老弱為輕侮之詞熹平石經老作翁今文也翁侮猶言

狎侮假音字石經又以流為弱各長于厥居勉出乃力

鄭注鄉飲酒義云流猶失禮也聽予一人之作猷疏釋詁云育長也猷謀也作者釋言

從予之謀段氏玉裁云猷已也無有遠邇用罪伐厥死

以作猷為作止謂或作或輟也疏伐者廣雅釋詁云擊也章同彰廣雅釋

用德章厥善疏詰云明也言遠則諸侯近則臣工一體

伐死章善疏詰云明也言遠則諸侯近則臣工一體

無偏諂疏詰云善也佚同逸釋言云過也周語內史過

人有逸罰注云臧善也國俗之善則惟汝眾歸功于下

也逸過也罰猶罪也國俗之不善則惟予一人是我有

過也言其罪當在我也經文國為邦者後人疑國凡爾

為漢人避諱字改之實當為國佚經作逸義通眾其惟致告自今至于後日各恭爾事齊乃位度乃口

罰及爾身弗可悔注恭一作共乃口一作爾口度一作

渡疏恭與共通釋詁云共具也齊者廣雅釋言云整也

度說文作敷云閉也此省文熹平石經恭作共乃

口作爾口度釋文云字亦作渡言自今至于異日各供

具爾事齊一其位杜塞其日不然者罰及其身悔之已

遲也此為上篇段氏玉裁云熹平石經中篇建乃家之

下下篇盤庚既遷之上空一字則上篇中篇交接處石本

亦必空一字疏盤庚作惟涉河以民遷注鄭康成曰作

今用其例疏涉者廣雅釋詁云渡也耿在河北殷在河

渡河之具疏南鄭注見書疏作謂造作舟楫也鄭以經

云惟涉河則上云乃話民之弗率誕告用亶注馬融作

作必渡河之具單曰話告也言也單誠也其有眾咸造注馬融曰造為

之以誠其有衆咸爲渡河之具也馬注俱見釋文話告者詩抑云告之話言釋詁云話言也造爲也馬云造爲也當卽鄭注所言作渡河之具詩文王云造舟爲梁箋云天子造舟周制也殷時未有等制釋水李巡曰比其舟而渡曰造說文云勿褻在王廷盤庚乃登進厥民疏古文造舟字作船疏褻者韋昭注楚語云近也言未近在王廷登者釋詁云升也言升進民于中廷而詢之也鄭云作渡河之具則以此登舟曰明聽朕言無荒失朕命疏荒者詩傳云虛也爲登舟疏日明聽朕言無荒失朕命疏失江氏聲讀爲佚說文云佚嗚呼古我先后罔不惟民之承保后胥感鮮一日忽也嗚呼古我先后罔不惟民之承保后胥感鮮

注感一作高以不浮于天時疏承者文選注廿五引薛章句曰受也保者說文

云任保也蓋言任使下文承汝俾汝俾使也洛誥云承保乃文祖受命民是承保讀當絕句承保猶易言容保民也后胥感者說文云憾憂也謂后亦與民共憂患鮮者釋詁云罕也浮當讀爲孚言君民親附罕有不孚于

天時者孟子云天時地利不如人和熹平石經感作高江氏聲云胥高謂相度高山鮮者詩云度其鮮原下篇所謂適于山也鮮字屬上讀如江氏說以殷降大虐不浮于天時浮者高誘注淮南子云猶罰也

鄭康成曰殷者將遷于殷先正其號名先王不懷厥攸作視民利用遷汝曷弗念我古后之聞疏云殷降大虐

天降大災也時未遷殷而稱殷者如鄭說先正其號名先王不懷厥攸作者言先王不安其所始居之地視利于民則遷之懷者釋詁云安也作者詩傳云始也言汝何不念我古后之舊聞乎鄭注見書疏云先正其號名者述降虐之時尚未遷殷而承汝俾汝惟喜康共非汝卽以此爲號名是先正之也

有咎比于罰予若籲懷茲新邑亦惟汝故以丕從厥志

疏承俾卽上文承保也承汝卽受汝俾汝者釋詁云使也喜樂康安共具並釋詁文若順懷來並釋言文丕

詞也言我之遷徙者受汝使汝惟喜安居以供爾事非
因汝有過比于放流之罰也予順呼汝來此新邑亦惟
承保汝之故汝當從其志勿違之
今予將試以汝遷安定厥邦汝不憂

朕心之攸困注汝遷一作爾遷邦一作國汝不作今汝

不乃咸大不宣乃心欽念以忱動予一人疏試者說文

者釋詁云皆也宣讀為和王氏引之云周禮太宰之職
正月之吉始和布令于邦國都鄙即小司寇職正歲帥

其屬而觀刑象乃宣布于四方也檀弓曹桓公卒於會
鄭注云曹伯廬諡宜書桓聲之誤也是宜聲近桓禹貢

和夷底績鄭注讀和為桓則宜乃心謂和乃心也欽者
釋詁云敬也忱者詩傳云信也言我用遷居汝者將令

安定于新邑汝大不和衷爾惟自鞠自苦若乘舟汝弗
敬思以誠信感動我也

濟臭厥載疏鞠同鞠釋言云窮也即說文籍字省濟者
釋言云渡也臭讀當為歟說文云腐气也

又云乃腐也或作朽廣雅釋器云乃臭也言
爾徒自窮苦譬如登舟不渡坐待其朽敗 爾忱不屬

惟胥以沈注馬融曰屬獨也不其或稽自怒曷瘳汝不

謀長以思乃災汝誕勸憂注稽一作迪怒一作怨誕一

作永疏屬者鄭注七昏禮云注也沈者廣雅釋詁云沒
也稽者說文云疾病愈也

誕者釋詁云大也勸者廣雅釋詁云助也言乘舟弗濟
汝誠不專注之故既札敗其載當相與有沉溺之患其

或留止不進自志怒何能愈乎汝無遠謀以思災患大
足助憂耳江氏聲說以左傳兆憂杜注云開憂兆熹平

石經稽作迪怒作怨誕作永釋詁云迪進也言汝不肯
進自怨何益徒長助我憂馬注見釋文未詳王氏鳴盛

云當云今其有今爾後汝何生在上疏爾者釋詁云無
不獨也

今無後言死也無日汝今予命汝一無起穢以自臭恐
何得尚生在地乎

人倚乃身迂乃心穢當作歲漢書武帝紀注晉灼云

工記云敗歲臭同巽倚同倚說文倚偏引也詩小弁云

伐木倚矣傳云伐木者倚其巔疏云倚者倚也迂者說

文云避也又云避回也言今子令汝一其心志無以敗

身迂回汝心言牽掣誘予迂續乃命于天子豈汝威用

引之使不得自由也

奉畜汝衆迂一作御釋詁云訝迎也續繼也高誘

易云畜養也言天將永我命于茲新邑我為汝迎而續

之非以威脅汝遷也御助養汝衆民而已顏師古匡謬

正俗引經文迂作御云詩鵲巢云百兩御之訓解皆為

迎徐仙民並晉訝案說文無迂字當為訝或為御初唐

人引書作御則迂予念我先神后之勞爾先予丕克羞

是衛包所改矣

爾丕一作不用懷爾然失于政陳于茲高后丕乃崇

爾

降罪疾崇一作知曰曷虐朕民神后高后皆謂成

稱說文天神曰神克者釋言云能也羞進懷安皆釋詁

文陳者釋詁云延也聲又近塵釋詁云塵久也崇者釋

詁云重也言我念先后成湯之與汝祖共勞我今不克

進爾于樂土以安爾身然則是我失于政令而延久于

此我高后在天之靈將重降罪疾于我曰何為而虐我

民慮平石經崇作知江氏云今文為知者言高后毋乃

之汝萬民乃不生

暨予一人猷同心先后丕降與汝

罪疾曰曷不暨朕幼孫有比

疏生者詩傳云財業也生

生者莊子大宗師云生

生者崔云常營其生為生

生者莊子大宗師云生

云正德利用厚生謂之三事文六年傳云時以作事事以厚生孟子云孳孳為利小人之事王者藏富于民百姓足君孰與不足故責之以不生下文又云故有爽往哉生生謂去舊都奢侈之俗適新邑以營生故有爽德自上其罰汝汝罔能迪疏故者釋詁云今也爽者釋后在天之靈迪者馬氏注多方迪作攸攸同筮說文云長也即下文崇降弗祥石經作不永也言汝今有差忒之行先后自上其罰古我先后既勞乃祖乃父汝共作汝汝無能自久長也

我畜民汝有戕則在乃心注戕一作近疏作者釋詁云為也畜音近好祭統云順于禮不逆于倫是之謂畜注云畜謂順于道教戕者鄭注易云傷也在者釋詁云察也言我先王既勞汝之祖父汝共為我順于道教之民有傷及汝則乃祖乃父當察知之下文云救乃死是也熹平石經戕作近云有近則在乃心者釋詁云則法也蓋言汝當近法乃祖父

我先后綏乃祖乃父

乃祖乃父乃斷棄汝不救乃死疏綏者釋詁云安也斷亦為絕棄者說文云捐也言我先王遷居以安汝祖父今汝不從令汝祖父將絕棄汝不救其死何止有傷乎

茲予有亂政司位具乃貝玉疏釋詁云貝玉也說文貨貝而寶龜周而有泉至秦廢貝行錢管子國畜篇云玉起于禺氏金起于汝漢珠起于赤野距周七千八百

里先王為其途之遠至之難故託用于其重以珠玉為上幣黃金為中幣刀布為下幣是貝玉古以代刀布言有亂政之臣在位惟知共乃祖乃父不乃告我高后注具貨幣以致民俗奢侈

乃父一作先父我高后一作乃祖乃父疏乃父唐開成

我高后釋文云本又作乃祖乃父段氏玉裁云當讀乃祖乃父丕乃告絕句乃祖乃父日作丕刑于朕孫絕句曰作丕刑于朕孫注孫一作子孫疏唐石經孫迪高后有子字

丕乃崇降弗祥注崇一作與弗祥一作丕永疏崇降弗

石經作與降丕永丕不同說文云刑罰罪也祥福也迪

者釋詁云道也道猶導也崇者釋詁云重也言汝祖父

惡子孫之貪婪乃告高后以為罰于我子孫導我高后

重降殃禍于汝漢石經崇作與者馬注君奭云崇克也

詩天保箋云與盛也充盛義相近故今文云與降也丕

永者不永言不長也祥以羊為聲養漾俱長也今文作

亦言弗長也注嗚呼今予告汝不易注嗚呼一作於戲鄭

康成曰我所以告汝者不變易言必行之疏鄭注見書

平石經疏永敬大恤無胥絕遠汝分猷念以相從各設中

于乃心注分一作比設一作翕疏恤者釋詁云憂也分

云猶異也論語集解引孔氏注云民有異心曰分言遇

大憂當長敬其上無相絕遠汝之異謀當思從順以各

設中正于汝心論令同心遷徙無疑貳也熹平石經分
作比設作翕詩傳云擇善而從曰比廣雅釋詁云猷順
也翕者釋詁云合也言汝當比順乃有不吉不迪顛越
思以相從各合于中道此今文義

不恭暫遇茲宄我乃劓殄滅之無遺育無俾易種于茲

新邑疏吉者說文云善迪者釋詁云道也顛與瘖通廣

與籛聲相近說文云狂也越者漢書集注文穎云踰也恭

漸詐也遇讀偶賤智故謂之偶人不正謂之遇荀子正

論篇云上幽險則下漸詐矣呂刑曰民與胥漸大傳云

苗民用刑而民與犯漸俱謂詐也淮南原道篇云偶賤

智故曲巧偽詐是以偶為姦邪之稱也說文云齟齬不

正也遇音近齟義亦為不正姦宄者說文云宄姦也外

為盜內為宄古文作父忍劓者說文劓之或字廣雅釋

詁云劓斷也殄者釋詁云絕也育者釋詁云長也易者

愆者及詐邪姦宄之行我則斷絕之無使滋長其類于
 新邑春秋左氏哀十一年傳子胥引盤庚之誥曰其有
 顛越不共則劓殄無遺育無俾易種于茲邑注云顛越
 不共從橫不承命者也劓割也殄絕也育長也俾使也
 易種轉生種類史記伍子胥傳引此經畧同左傳文
 多與世家集解引服虔曰顛殞也越墜也顛越無道則
 割絕無往哉生生今予將試以汝遷永建乃家疏建者
 遺也釋詁云立也言汝往營生生于新邑今我將用以汝徙
 長立汝家熹平石經建乃家下空一字段氏玉裁云此
 歐陽尚書盤庚既遷奠厥攸居乃正厥位注鄭康成
 舊式也

曰徙生于民故先定其里宅所處次乃正宗廟朝廷之
 位疏鄭注見書疏以奠為定者見禹貢疏云徙主于民
 者王制云司空執度度地居民周禮地官小司徒
 云經土地而井牧其田野九夫為井四井為邑云云是
 也云正宗廟朝廷之位者鄭注天官辨方正位引名誥

太保乃以庶殷攻位于洛納越五綏爰有眾注鄭康成
 曰甲寅位成與此解正厥位畧同綏爰有眾注鄭康成
 曰爰于也安隱于其眾也疏鄭注見魏志武帝紀注以
 隱亦為安者廣雅釋詁文也曰無戲怠懋建大命注鄭康成曰勉立

我大命使心識教令常行之無戲怠一作女罔台民懋
 一作勛注戲者釋詁云戲謔也怠者釋言云懈怠也鄭
 注見書疏以懋為勛釋詁文建為立廣雅釋

謂政令也無戲怠熹平石經為女罔台民作勛建大命
 以罔代無者釋言文台者方言云失也宋魯之間曰台
 懋為勛者釋訓云懋懋勉也與勛同義言汝無失民勉
 立大令也今予其敷心腹腎腸歷告爾百姓于朕志注夏侯

等書說心腹腎腸為優賢揚歷疏敷同專說文云布也
 志者廣雅釋詁云意

也心腹腎者白虎通情性篇云五藏者何也謂肝心肺
 腎脾也六腑者何謂也謂大腸小腸胃膀胱三焦膽也
 然則心腎屬藏腸屬腑釋名云腹複也富也腸胃之屬
 以自裏盛復於外複之其中多品似富者也春秋左氏
 宣十二年傳鄭伯云敢布腹心用此經文也夏侯等書
 為優賢揚歷者見書卷二疏云夏侯等書心腹腎腸曰
 憂賢陽疏文舛誤當為優賢揚三字文選左太冲魏都
 賦曰優賢著於揚歷張載注云尚書盤庚曰優賢揚歷
 歷試也魏志管寧傳陶丘一等薦寧曰優賢揚歷裴氏
 注曰今文尚書曰優賢揚歷謂揚其所歷試未知此云
 歷試也及謂揚其所歷試是鄭注否不敢妄載為注案
 心腹二字似優賢字似腎腸字似揚歷字上屬則下告
 百姓于朕志為句漢成陽令唐扶頌優賢歷岡罪爾眾
 歷國三老袁良碑優賢之寵皆用今文尚書

爾無共怒協比讒言予一人
注協比者詩正月云洽比
 其鄰傳云洽者春秋左
 氏僖廿二年傳引作協比與此同義言我不罪
 及汝眾民汝無共相恚怒合附為讒言謗我
 古我先

王將多于前功適于山用降我凶德嘉績于朕邦

注嘉

一作綏

先王謂湯釋詁云將大也適往也降者釋言

者釋詁云業也契父帝嚳始居亳其後屢遷而不安湯
 大前人之功以為多故又往亳從先王居鄭注立政三
 亳云東成臯南轅轅西降谷故云適于山也降下凶德
 者依山地高水下則無河圯之患以致墊陷為凶德也
 或德者說文云升也用降我凶為句下云升嘉
 績于朕邦嘉平石經嘉作綏釋詁云綏安也

用蕩析離居罔有定極爾謂朕曷震動萬民以遷

注爾

一作今爾謂一作惠震一作祗

蕩者說文云洪水所

詁云分也極至震動皆釋詁文言我民為水蕩決離析
 不安其居無有定至之處汝方怪朕之動民遷居言不
 得已熹平石經爾作今爾謂作惠震作祗惠者釋詁惠
 順也曷盍也祗敬也今文之意言汝順我盍敬動萬民

徙居避患之為得也祇震聲之轉堯典震敬肆上帝將
史記作振敬內則祇見孺子鄭注祇或作振肆上帝將
復我高祖之德亂越我家朕及篤敬恭承民命用永地

于新邑

疏釋詁云肆今也亂治也越同粵釋詁云于也
及者公羊隱元年傳云猶汲汲也篤厚也恭

敬也皆釋詁文承同拊謂拯也永者釋詁云長也言今
天將興復我高祖之德治于我家我汲汲敬恭以拊民
于溺以順天命用久肆予冲人非廢厥謀弔由靈各非

長其地于此新邑

敢違卜用宏茲賁

疏冲者後漢書冲帝紀引謚法曰幼
少在位曰冲弔者釋詁云至也說

文作遇解同釋詁云由從皆自也是由亦從也靈者廣
雅釋詁云善也龜曰卜宏與洪同釋詁云大也賁者廣
雅釋詁云美也言今我幼少之人非不用眾謀但謀之
來至當從其善者汝眾各不違卜用大此美績美績即
上嘉績江氏聲以靈為龜以下云鳴呼邦伯師長百執
卜知之易頤初九云舍爾靈龜

事之人尙皆隱哉予其懋簡相爾念敬我眾**注**隱一作

乘懋一作勛

疏邦伯州伯也師連帥長屬長也王制云
千里之內設方伯五國以為屬屬有長

十國以為連連有帥三十國以為卒卒有正二百一十

國以為州州有伯注云殷之州長曰伯虞夏及周皆曰

牧百執事謂在朝之臣金縢云二公及王乃問諸史與

百執事遷都時畿外諸侯各率其屬以衛從王故邦伯

師長與百執事之人並在而呼告之也隱者釋言云占


也郭注云隱度上言非敢違卜故此言尚皆占哉論語

云不占而已矣懋同茂釋詁云勉也簡者虞翻注易云

閱也相者說文去視也我其勉閱視汝其思敬我眾民
也熹平石經隱作乘懋作勛乘者周禮稟人乘其事鄭
司農去乘計也宰夫乘其財用之出入鄭注云乘猶計
也言當計度之亦猶云隱度朕不肩好貨敢共生生
也懋作勛者釋詁云勉也朕不肩好貨敢共生生
釋詁云肩作也共具也言我不作好貨之事敢具生生
之財此明已之去奢即儉非為已也江氏聲云生生猶

生息也周禮泉府云凡民之貨者與其有司辨而受之
以國服為之息注鄭司農云貸者謂從官借本賈也故
有息使民弗利元謂以國服為之息以其於國服事之
稅為息也於國事受園廛之田而貸萬泉者則期出息
百鞠人謀人之保居敘欽注鄭康成曰鞠養也言能謀
養人安其居者我則次敘而敬之疏鹽鐵論本義篇云
保居也萃者聚也保居謂相保守鄭注見書疏以鞠為
養保為安皆詩傳文也敘為次序者說文云敘次第也
欽為敬釋文今我既羞告爾于朕志若否罔有弗欽疏若者
釋文云順也言我既告汝以意于汝無總于貨寶生生自庸
心順否我無不敬而告之也疏無總于貨寶生生自庸
總者說文云聚束也庸者廣雅釋詁云用也戒諸臣
無聚于貨寶生殖以自用者上自言不作好貨下敕
其臣以生生為萬民式敷明德永肩一心疏式者釋言
之事不可與之爭利

者說文云岐也肩者釋詁云克也戒之
以用施明德長能一心不貳其志也



光緒歲在闕逢涸灘國子監肄業生吳縣朱記榮校刊
盤庚第六終



光緒甲申小春
月白堤八字橋
孫谿槐廬家塾

三書正金

三

